




廣州府志

ル 5  
1212  
24









門 凡 56  
城 1212  
卷 24



廣州府志卷六十六

建置畧三

學校

府學在內城正對文明門宋嘉歷中詔興學校初卽西城番  
 市舊孔子廟爲之皇祐二年經略使田瑜徙於郡東南隅熙  
 甯元年張田展東城復徙於國慶寺東程師孟蔣之奇相繼  
 成之蔣之奇記畧元祐二年番禺缺守有詔以命臣之奇來  
 治州事始至下車既見吏民卽謁先聖明年仲春上丁  
 行釋奠禮顧瞻學宮多歷年所堂廡靡闕聖明年仲春上丁  
 次寢以毀廢顧瞻學宮多歷年所堂廡靡闕聖明年仲春上丁  
 置以充用先治兩廡次作講堂悅徒歡工不稱議道之日而兩廡  
 翼如講堂既如還顧夫子之殿益卑圯不稱議道之日而兩廡  
 摧撓乃規廣其基而大新其構然計費甚鉅遂以謀於漕司  
 欣然聽許增與之金益其財用伐山浮海不期而集而番禹  
 南海二屬邑令實分董其事專精畢力日督月促迺劉迺治  
 迺塗迺塹勞徠勸嚮功緒就畢明年夏學成爲殿南嚮橫  
 六楹從四楹講堂議道堂及於兩序總四百二十有四楹於  
 是典學之官與其正錄及凡在學之有職掌者牆立而進日



學已完矣願有紀述余曰此固學士大夫之職也其何敢辭  
然吾嘗竊觀古今綴文之士紀郡縣之學而止敘其營作之  
卒未嘗及於夫子之道非以開學者之聰明而止敘其營作之  
近功與夫數學之淺事也古所謂明而大故極天地而  
庶幾以是寄余之言焉余惟夫子之道廣而大故極天地而  
不能以盡載夫子之道變而通故亘古今而不能以終窮是  
以其言則為詩書其行則為禮樂其法則為春秋其燕閒談  
說造就材德則為孝經論語而其妙則總之於易焉彼淵淵  
子貢身親受業猶有卓爾難聞之歎况千載之後乎抑余  
又聞之有教無類立賢無方蓋上之歎而行教也無華蠻之  
夷外而猶有張九齡姜公輔之儔出焉顧以番禺之盛而獨  
無庸記以俟系以詩曰諸侯之學實為泮宮青子衿其來  
雍雍匪怒伊教爰迪羣蒙在漢名賢則文翁修起學宮成  
都之中常哀誰謂越遠齊魯同風憬彼內州歲貢以充賢不  
有養自衷來從南交蕩平倚學之功熙甯四年程師孟再任  
經略使始置學田以贍學徒記不錄有紹聖三年知廣州章  
徙於城東南隅番山下即今學也章序為先顧學舍在中城  
之西與尼寺相比迫近市塵喧譁庠序殆非絃誦之所度地  
辨方又不合古制而轉運使傅公志康轉運判官馮公彥信

亦嘗以是為言一日諸生百有五十一人以狀來請極道郡  
學遷置非宜條其所所以然之狀願輸金於官擇地而徙焉咸  
曰城東南隅有駐泊都監官廨值番禺之前而風水且順建  
學日聚徒此其吉地也於是請於部使者既得報通判譚公  
揆無所損益且辟且築募工分領而新之規摹無所變更也廣  
門先後有序講堂最後為夫子之殿次之舊門之外隙地猶  
廣因作重門焉兩門之間又增建屋十四楹東西相向以為  
客次小學直學之廬舍以乙亥十一月丁巳鳩工明年六月  
辛巳告成諸生求為文以紀始末余嘗考載籍自晉唐以來  
守茲土者名臣鉅公不為少矣治未嘗考績班籍於方策大  
抵多以清白稱至於勸學育才作新人物則寂然無聞考尋  
學校之迹宜其無覩也惟西城番市有夫子廟址慶歷中仁  
宗詔天下興學當時郡守奉行苟且即夫子廟以為之而東  
制度迫陋不足以容生徒皇祐二年知州事田瑜徙州之東  
築東城而學為城所侵因徙國慶寺之東未及營造而田卒  
其後郡人劉富納貲獻材戮力以自効殿堂廊宇殆將完矣  
轉運使陳安道鄙其卑陋止富勿修盡以官錢市良材而樸  
斲焉始構東屋四十楹有畸以富初下車謁先聖憫棟宇之  
圯壞懼廟貌之不嚴而議道講堂反卑於廊廡規圖經畫銳  
意於興作於是兩廡翼然植其旁文殿巍然起其中工告休  
而穎叔領六部漕輓之寄親為撰記又系之以詩而二堂未



甚宏偉乃以遺執政右丞蔡公至未閱歲又改鎮東之命議  
 道既建而講堂獨弗克就將去寓意於辭廟之祭文諉後人  
 以就其緒自庚午迄今凡七年矣歲月不謂不遠竟未如公  
 之志甚哉軍事之難成也如此是舉也微外臺倡其端別乘揆  
 其策賓幕軍佐樂事而赴 **乾道三年經畧使龔茂良建御書**  
 閣按宋史龔茂良傳茂良為廣東提刑即番山下之址建 **淳**  
**熙四年轉運使趙澣增創亭齋泮池嘉定五年教授許巨川**  
**建觀德亭淳祐四年經畧使方大琮改建飛閣堞像其中旁**  
**列文行忠信四齋為番山書院元至元十六年燬於兵惟大**  
**成殿存後宣慰使完顏正叔副使呂恕余璉重修三十一年**  
**提舉王獻熊談教授陳黃裳建養賢養蒙堂及倉廩祭器庫**  
**元貞元年宣慰使塔喇海重修延祐五年監司脫兒赤憲副**  
**使卜大璋改創廟學及東西齋**熊朋來重修廣州府儒學記  
 訪司宣慰元帥所親蒞皆以敬教勸學為第一義於是禮殿  
 壯麗甲於南方元貞初嘗一修之速成苟簡遺底蠹圯勢不

得不改作廉訪采兒只公卜公大璋創其始副使迭列思  
 公成其終副使李公德厚僉事張公世榮范公致毅撒里  
 於丙辰之冬而畢成戊午之秋書來述其始末請記於朋來  
 且曰昔廉訪李公至道構尊經閣余公勉新明倫堂今使春  
 歸侵址覈隱租購羣書明載籍於是教養悉備廣學故有春  
 秋祭樂今創二亭前曰思敬後曰政德以為肄業之所幸併  
 書之余之為瑟譜也盡閱諸學故譜而正其訛酌之曲必按  
 月律江廣諸郡多用之因其來請授以藏之書閣肄樂則按  
 譜取聲奏諸新殿尚其足以召和氣之祥而崇斯文之福哉  
 延祐六年正月前進 **泰定元年憲使密蘭復建雲章閣**吳澄  
 士豫章熊朋來撰 **泰定元年憲使密蘭復建雲章閣**吳澄  
 泰定四年夏廣州路儒學新建雲章閣成崇六仞有三尺廣  
 倍之深五尋有二尺為閣七間其中置韞至元三十一年七  
 月日所降崇奉廟學詔書其左其右度藏經史子集諸書三  
 千六百一十卷閣舊名尊經新易今名天詔在焉故也天子  
 之詔聖人之經均之如雲漢之章於天昭示萬古歷久而彌  
 光廣郡雖僻居嶺海之間去天萬里而德音所暨無異輦轂  
 下况又儲貯聖經士得朝夕誦讀薰蒸漸漬則氣質之偏風  
 俗之寐皆可變化而淳美安知今之交廣不為古之鄒魯也  
 則斯閣之設豈徒修棟宇之巍峩耀金碧之輝煌以駭觀瞻  
 而已乎閣之所藏有子有集皆經之副也其善可以觀瞻  
 其不善可以鑑而經則其本也藏之在乎閣而學之在乎人  
 經之所載聖人之道也窮年讀誦而不明其道是終日飲食



而不知其味雖曰學猶未學也其必精研於心而有實見力  
 踐於身而有實用以之學父則孝以之國辦事無施而弟以之君  
 則忠居官而能廉臨人而能愛為國辦下不負憲官勉勵之  
 而學經庶幾上不負聖皇詔旨之剴切下不負憲官勉勵之  
 勤渠與教官作成之盛心廣之士最之哉閣之顏慙守李希  
 本所書營造之資則憲使荅刺公偕命憲道童倒刺沙經歷  
 也澄既記閣之成為詩以遺廣之士俾并刻以石詩曰番山  
 嶙峋濱海法云西眉巴蜀東臂甌閩聲教漸被與中州均巽  
 官恢恢逢掖洗有偉斯閣上摩青雲天章炳煥麗於天津  
 學徒競勸不懈益勤稽經探道咸悟聖真出膺世用元季復  
 為國名臣本元元誰實出新貽此好歌俾後有聞

**廢明洪武初征南將軍廖永忠命書掾高希賢仍故址重**  
 修序星羅而廣學壯麗雄諸郡自唐宋以還韓退之蘇子瞻  
 常過化於屬郡視春秋秦漢之初不侔矣兵興廢學宮廢  
 毀講堂為餉馬之廐廊廡為息兵之壘棟傾朽門墻頽壞  
 芻牧得恣往來洪武元年征南將軍中書平章榮祿廖公戡  
 定南服四方平靖顧而嘆曰學為教養之宮此而弗理何以  
 宣教正俗乃命書掾高希賢董治之仍其舊貫作而新之  
 以前縣尹吳誠督其役度土功計徒傭料經費不發官帑不  
 殫民力用沒入之財與子來之民正欷傾易朽腐補缺廢創  
 齋廬區以育材進德常德興賢以肄業也於明倫堂左建先

賢堂以尚德也其右建廉吏祠以景行也於番山建九思亭  
 道問學也前列靈星戟門後則雲章之閣莫不丹雘輝煥麟  
 麟翼翼舊制廟貌未稱乃命備以冠冕十有二章四配十哲  
 兩廡從祀咸視爵隆殺始與禮合作始於元年冬十月落成  
 於次年**闢射圃**洪武三年詔天下儒學就學闢射圃習射欽  
 春二月**闢射圃**奉諭旨今後各州縣儒學訓誨生徒每  
 日講讀文書罷於學復設一射圃教學生習射朔望要試一  
 過其有司官閒暇時與學官一體習射禮部定到圖式儀注

**宣德元年巡按御史金濂左布政使張渙修建殿廡正統三**  
**年提學僉事彭琉闢鹽倉餘地建廨宇神厨庫房及省牲所**  
**會饌堂六年巡按御史宋良暹復闢射圃仍建觀德亭景泰**  
**五年巡按御史楊進復闢鹽倉地以廣學基天順二年知府**  
**李恕重建殿廡三年巡撫馬昂創杏壇燕居亭於番山北七**  
**年提學僉事胡榮重修廟學**葉盛修廣州儒學記畧正統初  
 視學時郡學未甚壞補葺之而已黃冠之後兵餘數十年而  
 學益敝天順癸未僉事胡榮再奉璽書督學政曰學且敝其  
 何以為教從事莫先於此矣於是左參政胡拱宸與協謀知  
 府沈琮提舉毛璣教授鄭萬奎皆積勤力而百需之費悉自



公出一不取於民禮殿明倫堂兩廡四齋燕居杏壇星戟  
門泮池庫廩庖福更衣之室前之摧圯者易漫漶者飾別作  
周垣高厚堅好番山有亭舊名九思後以名山以舊名於學  
者有警也復之若仰高祠為故八賢十賢堂廉吏祠若雲章  
閣皆潤澤焉教官解宇學徒號舍又以其規模陋且溷於  
明倫之下則拓鹽倉廢地改為之而學之基始正以完乃以  
崇德廣業居仁由義更著齋額以朱子詩聖人可教化翼序  
育英材因其方十五志於善端得深培以列為東號童蒙貴養正  
遜弟乃其誠意致知格物率性修道高翔字列為西號以明德  
新民正心誠意致知格物率性修道高翔字列為西號以明德  
其十有二門而貫道一門則直燕居之所匾鑄嚴固肅如煥  
然蓋三閱月而後成禮行舍菜以告復嗟夫今之士居學校  
廟焉而享學焉而後成禮行舍菜以告復嗟夫今之士居學校  
之為士者矣教養異乎人而所學也稟焉有養也固已異乎他  
求無愧於天下其又可得乎其為廣學之士亦難矣向亦  
所免乎哉與修學之議者巡按御史王朝遠布政使陳壘張  
瑄按察使夏垣等他效勞力官屬名銜與凡工費有述位置  
有員則具刻於記事碑石  
成化三年參政張瓚復闢前街直  
抵南門幾二百餘丈徙射圃於學西仍建觀德亭四年知府  
吳中創櫺星戟門及左右廟垣皆石之吳高有八年巡撫韓

雍重修露臺甬道護以石欄嘉靖十九年重修徙敬一亭於

番山倫以訓有萬曆二十八年教授董應舉請於督學副使

袁茂英重修殿廡亭閣及啟聖名宦諸祠復學西侵地建學

舍廓射圃闢城為正門顏曰文明南枕城濠環繞如帶

國朝順治十三年平藩尚可喜靖藩耿繼茂總督李率泰巡

撫李棲鳳知府黎民貴等捐修陳衍虞重修廣州府學碑記

人所以造士於成均而鼓勵興起之者蔚然明備獨嶺南以  
山海叵測兵戈歲興致文治缺焉未振若府庠之淪於棘莽  
久矣堂廡几筵頽落殆盡騏驥之所驅馳貔貅之所掩息而  
樵人牧豎之趾相錯也幸兩藩與二千石黎公起而新之拓  
舊趾集良材而二邦君大夫皆不惜官俸而為之助於是  
完舊易新丹漆煥然矣自武節麟回人心思競莫不侈談韜  
鈴而薄章縫一旦觀習舞舍榮之容執經問難之事始恍然  
曰上之投戈講藝如此上之澤廉恥忠孝節烈之行等於芻  
誰敢自棄又喪亂相仍士多鮮廉恥忠孝節烈之行等於芻  
狗今所習者俎豆軒懸俾之漸仁摩義移其宿習將見秀者  
可為國植樸者可為良士文  
康熙十年巡撫劉秉權布政使  
治之成鼓舞興起之道得也



徐坦按察使佟養鉅知府汪永瑞等重修

劉秉權撰重修廣  
州府學碑記畧環  
粵皆山水也界在荒服自秦代始置州郡剖符嗣後賢哲輩  
出遂稱名邦予生長三韓距粵萬里曩者備官侍從搜秘石  
渠流覽版輿緬焉神往我國家以文德治天下聲教久敷  
於遐方子叨承簡命謬膺節鉞撫茲南服控五嶺之嵯峨  
襟三江之澎湃紫海滄溟朱崖奧折所披圖者今則躬歷矣  
美哉山水標險杼奇育靈挺秀惟其風土擅勝是以人才蔚  
起先達名世難以悉數如唐宋之東莞儒雅之邱瓊山經濟  
崔菊坡其人於明則有智略之何東莞儒雅之邱瓊山經濟  
之梁文康理學之陳白沙節氣之海忠介其人昭代以來  
蒐羅俊乂接武聯翩迨三十年凡茲彬彬崛起者多文學之  
士郭璞所謂南海衣冠之氣方開而未艾宜其然乎夫端章  
服者攝其領樹巨蔭者麗其祇會省固十郡之宗源而巽官  
實多士之淵藪廣州郡學據佳址於靈洲之東左則虎門潮  
汐層湧而來右則西樵峯巒疊嶂而峙珠江一水盈盈洞繞  
於前白雲諸山嶙峋巨綿於後志所載禺山者屹居於宮之  
中陟巔而望之形勝宛在矣宮之襟對為文明門向因戒嚴  
守局術家者謂氣脈壅塞有闕庠序予與前督軍周公會商  
於藩府洞啟有日矣但茲數仞之內自兵燹之後未經修葺  
以至棟宇將頽壁垣半圯橋門鞠為茂草泮水率為汚萊有  
事茲土者未嘗不躑躅與歎矣迨夫庚戌秋祭予居齋期是  
夕隱几之間恍見先師冠帶雍雍向予告語焉夙興盥沐  
展拜傾誠起而循宮諦瞻有動乎中因首捐俸金百鎰構材

鳩工良賴在省三司各道及太守相與協心經畫共勸盛舉  
爰是整復舊制廓清故基約榘之舉大興丹雘之施加飾櫺  
星有侔戟門將將矣首正殿以崇至聖次兩廡以妥先賢  
又次及明倫堂以宏開講藝之地至於啟聖及名宦鄉賢諸  
祠在在加修所以追尚淵源而興起後學也旁闢西圃肇建  
一亭額曰觀德俾濟多士為肄射之所詩云竹苞松茂鳥  
革翬飛庶其似之猗歟萬年之俎豆聿新百粵之文風攸繫  
將來階此發祥者霞蔚雲蒸麟炳炳余撫茲土亦與有光  
庶幾仰佐我國家右文之治曲江之風度依然不綦盛哉  
工師告竣援筆記言壽諸石以志垂永久云是役也不煩公  
帑不勞民力亦不敢苟簡從事其督  
工之員効其勤勞者例得並書於左  
雍正六年布政使王士  
俊鹽法道黃文煒公捐修大成殿及東西兩廡擴殿東地改  
建明倫堂以舊明倫堂為崇聖祠修名宦鄉賢祠射圃戟門  
及周圍垣牆又於學西地別闢一門橫過櫺星門直出以便  
行人  
舊志載而未載乾隆二十一年知府張嗣衍詳請動項  
修葺五十八年南海紳士貢生范應時倡募捐修並復侵地  
司册據南番二縣申稱總理貢生范應時稟稱重修廣州府  
學宮自乾隆五十六年六月興工至五十八年四月始竣查



五十年起議重修時民房侵佔直逼廡下嗣奉藩憲飭就現  
 在地盤取正而必應拆遷還學地以湊正地盤者尚二百  
 餘家及委員督拆基地既出漫無欄限汚穢且積南海紳士  
 倡先募修先築圍牆以候外縣捐修適五十二三等年歲歉  
 捐銀無繳遂至停止至五十四年七月始得續修五十六年  
 二月初一日奉先師陞殿大工已成而後殿各處荒場尚  
 未補葺至五十八年四月始竣前後陸續收捐銀四萬一千  
 六百二十兩零內除給拆遷民房及圍牆各工料雜費用銀  
 四千七百一十七兩零於停工時經將收支各數開呈本府  
 張至五十四年續修時張本府發有循環印領簿按旬收支  
 填寫計續修時領支銀三萬六千九百零二兩零九錢云云  
 咸豐七年省垣被兵學校燬

壞同治元年知府李福泰籌款倡修屬紳士編修史澄御史  
 梁紹獻董其役仍舊規而新之惟文昌宮後為仰高祠而文  
 昌後殿反居東偏乃易地改建其宮牆外民居侵地清出之  
 攷舊圖補建東西聖域賢關兩石坊據阮通志番周志參修  
 凡春秋釋奠於  
 先師之禮以四配十二哲侑饗殿中以先賢先儒從祀兩廡

先師孔子正位南嚮四配復聖顏子述聖子思子東位西嚮  
 宗聖曾子亞聖孟子西位東嚮東序先賢閔子損冉子雍端木  
 子賜仲子由卜子商有子若西序先賢冉子耕宰子子冉  
 子求言子偃顓孫子師朱子熹位均東西嚮東廡先賢公孫  
 僑林放原憲南宮适商瞿漆雕開司馬耕梁鱣冉孺伯虔冉  
 季漆雕徒父漆雕哆公西赤任不齊公良孺公肩定鄭單罕  
 父黑榮旂左人郢鄭國原亢廉潔叔仲會公西輿如邾異陳  
 亢琴張步叔乘秦非顏噲顏何縣亶牧皮樂正克萬章周敦  
 頤程顥邵雍位西嚮西廡先賢蘧瑗澹臺滅明宓不齊公冶  
 長公皙哀高柴樊須商澤巫馬施顏幸曹卹公孫龍秦商顏  
 高壤駟赤石作蜀公夏首后處奚容蒧顏祖勾井疆秦祖縣  
 成公祖句茲燕伋樂欬狄黑孔忠公西蒧顏之僕施之常申



振左邱明秦冉公明儀公都子公孫丑張載程頤位東嚮東  
 廡先儒公羊高伏勝毛亨孔安國后蒼鄭康成范甯陸贄范  
 仲淹歐陽修司馬光謝良佐羅從彥李綱張栻陸九淵陳淳  
 真德秀何基文天祥趙復金履祥陳澧方孝孺薛瑄胡居仁  
 羅欽順呂柟劉宗周孫奇逢張履祥陸隴其西廡先儒穀梁  
 赤高堂生董仲舒毛萇杜子春諸葛亮王通韓愈胡瑗韓琦  
 楊時尹焞胡安國李侗呂祖謙袁燮黃幹蔡沈魏了翁王柏  
 陸秀夫許衡吳澄許謙曹端陳獻章蔡清王守仁呂坤黃道  
 周陸世儀湯斌位均東西嚮據部頒祀位  
圖南海志修  
 廟後建祠曰崇聖中設  
 肇聖王木金父左  
 裕聖王祈父右

詒聖王防叔左次

昌聖王伯夏右次

啟聖王叔梁紇位皆南嚮祠內配饗先賢孔孟皮顏無繇孔  
 鯉東位西嚮曾點孟孫氏西位東嚮兩廡從祀先儒東廡周  
 輔成程珦蔡元定西廡張迪朱松

歷代褒崇祀典漢高祖十二年過魯以太牢祀孔子平帝元  
 年初追諡曰褒成宣尼公安帝延光三年祀孔子及七十二  
 子於闕里魏正始七年命太常釋奠以太牢祀孔子於辟雍  
 以顏淵配晉武帝太始七年皇太子親釋奠太學宋文帝元  
 嘉二十二年太子釋奠採晉故事裴松之議舞八佾設軒懸  
 之樂北魏文成帝詔宣尼廟別敕有司行薦享之禮北齊每  
 月朔祭酒領博士以下及學諸學生以上謁廟行禮隋制州



縣學以春秋仲月釋奠唐太宗貞觀二年從左僕射房元齡議尊孔子爲先師而以顏回配詔天下諸學釋奠先聖先師刺史爲初獻上佐爲亞獻博士爲終獻貞觀二十一年詔天下以左邱明卜子夏公羊高穀梁赤伏勝高堂生戴聖毛萇孔安國劉向鄭衆杜子春馬融盧植鄭元服虔何休王肅王弼杜預范甯賈逵等從祀尼父廟堂高宗乾封元年追贈孔子爲太師總章元年贈顏回太子少師曾參太子少保皆配享開元二十七年追諡孔子爲文宣王贈顏子竟國公閔損等九人爲侯曾參等爲伯宋太宗建隆三年詔廟門十六戟真宗咸平中追諡孔子爲元聖文宣王尋以犯祖諱改至聖仁宗景祐元年詔釋奠用登歌神宗元豐七年以孟子同顏子配食宣聖荀况楊雄韓愈並從祀大觀二年詔以子思從

祀四年詔廟門用戟文宣王執鎮圭並用王者制徽宗崇甯四年從司業蔣靖議文宣王冕十二旒服九章理宗淳祐元年加周敦頤張載程頤封爵與朱熹並從祀景定二年加張栻呂祖謙封爵從祀度宗咸淳三年以顏曾思孟爲四配與閔損等並升顓孫師爲十哲列邵雍司馬光於從祀元成宗大德十一年加孔子號曰大成至聖文宣王仁宗皇慶二年以許衡從祀文宗至順元年加封四配顏曾思孟爲復聖宗聖述聖亞聖各公爵是年又加孔子父母封爵始以董仲舒從祀明初詔正諸神封號惟孔子特仍其舊洪武十五年始詔天下儒學通祀孔子頒釋奠儀十七年敕每月朔望祭酒以下行釋菜禮郡縣長以下詣學行香二十六年頒大成樂器於天下令州縣如式製造二十九年黜揚雄從祀進祀董



仲舒永樂八年正文廟聖賢繪塑衣冠令合古製正統元年  
刊定從祀名爵位次頒行天下二年以宋胡安國蔡沈真德  
秀元吳澄從祀三年禁祀孔子釋老宮又令天下祭丁品物  
非其土產者鹿以羊代榛棗以其地所產果品代成化二年  
封董仲舒爲廣川伯胡安國建甯伯蔡沈崇安伯真德秀浦  
城伯宏治九年封宋楊時爲將樂伯從祀嘉靖九年從輔臣  
張璁議改封爲至聖先師孔子四配爲復聖宗聖述聖亞聖  
從祀十哲及門弟子稱先賢左邱公羊氏以下稱先儒去塑  
像設木主罷公侯伯諸封爵申黨申棖黨卽棖去黨存棖公  
伯寮秦冉顏何荀况戴聖劉向賈逵馬融何休王肅王弼杜  
預吳澄十三人俱罷祀林放蘧瑗鄭衆盧植鄭元服虔范甯  
七人祀於其鄉進后蒼王通胡瑗歐陽修從祀又以行人薛

侃議以陸九淵從祀改稱大成殿爲先師廟門爲先師門樂  
章凡稱王者並易爲師明初釋奠用登歌堂上堂下之樂咸  
備樂舞用六佾正統十二年從祭酒周洪謨所請加十二籩  
豆樂舞八佾云萬曆五年以薛瑄從祀十一年以陳獻章王  
守仁胡居仁從祀

國朝康熙二十年頒學宮祭禮二十五年

御書萬世師表匾敬懸大成殿三十八年

御製

至聖及四配贊鐫石明倫堂四十一年

御製訓飭士子文鐫石建亭學內五十四年

詔以宋儒朱熹升祔十哲之次五十四年

詔以宋臣范仲淹從祀位在司馬光下五十九年



命武職許人

文廟與文職一體行禮雍正元年

命改啟聖祠為崇聖祠追王五代

命加

文廟祭品太牢一盂豆各一二年

詔復祀林放蘧瑗秦冉顏何鄭康成范甯增祀縣直牧皮樂

正子公都子萬章公孫丑諸葛亮尹焞魏了翁黃幹陳淳何

基王柏趙復金履詳許謙陳澔羅欽順蔡清陸隴其又增祀

張迪崇聖祠三年

御書生民未有匾敬懸大成殿八年頒

聖祖仁皇帝御纂性理精義詩經傳說彙纂春秋傳說彙纂

刊布學宮乾隆三年

御書與天地參匾敬懸大成殿

詔升有若於十哲移朱子位於西增吳澄從祀位於東廡頒

十三經注疏二十三史各書籍刊布學宮嘉慶四年

御書聖集大成匾敬懸大成殿道光二年

詔祀劉宗周於西廡位蔡清之次三年

御書聖協時中匾敬懸大成殿

詔祀湯斌於東廡位羅欽順之次五年

詔祀黃道周於東廡位羅欽順之次六年

詔祀呂坤於西廡位蔡清之次祀陸贄於東廡位王通之次

八年

詔祀孫奇逢於西廡位呂坤之次祀文天祥於西廡位何基

之次二十九年



詔祀謝良佐於東廡位楊時之次咸豐元年  
御書德齊幃載匾敬懸大成殿

詔祀李綱於西廡位胡安國之次二年

詔祀公明儀韓琦於東廡七年

詔以孔氏孟皮配饗崇聖祠東位西嚮祀公孫僑於西廡位  
林放之上九年

詔祀陸秀夫於西廡位許衡之上十年

詔祀曹端於西廡位陳獻章之上同治元年

御書聖神天縱匾敬懸大成殿二年禮部奏請更定先賢先  
儒位次移孔安國鄭康成范甯司馬光謝良佐李綱張栻陸  
九淵真德秀何基文天祥金履祥陳澥薛瑄劉宗周孫奇逢  
張履祥陸隴其位於東廡移董仲舒杜子春諸葛亮王通韓

琦楊時李侗呂祖謙蔡沈魏了翁王柏吳澄許謙曹端王守  
仁黃道周湯斌位於西廡又

詔祀毛亨於東廡位孔安國之上祀方孝孺於東廡位薛瑄  
之上祀呂柟於東廡位劉宗周之上七年

詔祀袁燮於西廡位呂祖謙之上光緒元年

詔祀陸世儀於西廡位黃道周之下

附續通考明嘉靖九年用大學士張孚敬等議釐正祀典  
撤去塑像改

大成至聖文宣王為至聖先師孔子神位木主高二尺三  
寸七分闊四寸厚七分座高四寸長七寸厚三寸四分朱  
地金書四配神位木主各高一尺五寸闊三寸二分厚五  
分座高四寸長六寸厚二寸八分十哲以下凡門弟子皆



止稱先賢某子神位木主各高一尺四寸闊二寸六分厚五分座高二寸六分長四寸高二寸左邱明以下稱先儒某子神位木主各高一尺三寸四分闊二寸三分厚四分座高二寸六分厚二寸俱赤地黑書

欽頒卧碑文

順治九年奉頒勒石明倫堂

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後  
一生員之家父母賢智者子當受教父母愚魯或有非為者子既讀書明理當再三懇告使父母不陷於危亡  
一生員居心忠厚正直讀書方有實用出仕必作良吏若心術邪刻讀書必無成就為官必取禍患行害人之事者適

以自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入即有切己之事止許家人代告不許干與他人詞訟他人亦不許牽連生員作證

一為學當尊敬先生若講說皆須誠心聽受如有未明從容再問毋妄行辨難為師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調治罪



名宦祠在學內明倫堂之左祀吳交州刺史步騭呂岱陸敬宗南海太守鍾離牧晉廣州牧滕修廣州刺史陶侃滕含吳隱之王鎮之宋廣州刺史張裕陸徽南海太守陸展梁廣州刺史蕭勵南海太守王僧孺陳廣州刺史沈恪隋廣州總管章洸南海太守劉權唐嶺南採訪使宋慶禮招慰使李琨廣州都督五府經畧使宋璟李尙隱殿中侍御史嶺南監選使柳澤嶺南節度使李勉李復杜佑徐申楊於陵孔戣李憲盧鈞韋正貫韋宙蕭倣鄭從讜清海軍節度使劉崇龜李知柔南海太守盧奐宋知廣州軍州事兼市舶使轉運使潘美尹崇珂轉運副使王明嶺南諸州都巡檢使曹光實嶺南採訪使賈黃中轉運使邊珣轉運副使許仲宣向敏中凌策廣連都巡檢使楊允恭廣六州都巡檢使謝德權廣南安撫使曹

利用孫沔勾當廣南東西路轉運司事薛顏廣南東路轉運使黃震張昱之王罕元絳范師道蔡抗榮諲王靖提點廣南東路刑獄袁抗周湛英州團練使張忠轉運判官提點刑獄周敦頤廣東經畧安撫使曾開季陵崔與之唐璘胡穎謝子強劉應龍轉運判官張致遠洪天錫廣東提刑知信州軍州事龔茂良提刑轉運副使林光朝提點刑獄楊萬里廖德明楊大異提舉廣東常平劉燾趙逢龍知廣州軍州事主管經畧安撫司事冷應徵兼市舶使任中師知廣州軍州事李惟清張鑑楊覃邵睦陳世卿馬亮陳從易狄棐呂居簡李兌魏瓘盧士宏劉夔劉湜程師孟張田蔣之奇王渙之陳橐通判孔勗廣州錄事參軍陶節夫監廣州鹽倉胡銓廣州教授林勳元廣東都轉運鹽使兼領市舶合刺普華宣慰使都元帥



羅璧廉訪使卜天璋欽察明行省參知政事周楨行省員外

郎楊卓兩廣總督王翱朱英葉盛冊作韓雍秦紘劉士夏熊

繡周南張嶺姚鏞王守仁陶錯冊作張岳周延冊作左布政

政王鈞吳桂芳阮志表凌雲翼郭應聘吳文華廣東巡撫楊

信民阮志正統巡撫李佑熊棕巡按御史朱鑑徐季馴左布

政使吳楊彭遠張瑄彭韶陳選周孟中吳廷舉徐問梁材萬

士和汪起鳳姜一洪左右參政王溥阮志陳員韜伍希淵項

喬魏浣初參議王綱按察使熊概阮志作夏璩按察司副使

項忠陶魯瞿俊魏校冊作鄒守愚任可容洪雲蒸按察僉

事梁觀商大節李材廣州府知府周啟祥余自怡冊作廣州

府教授董應舉阮志表無總兵俞大猷張元猷王鳴鶴廣州參將

陳鵬都指揮同知花茂都指揮僉事歐磐

國朝兩廣總督佟養甲李率泰李棲鳳王國光周有德金光

祖吳興祚石琳孔毓珣阮元祁埏巡撫董應魁劉秉權王來

任李士正朱宏祚彭鵬石文晟楊宗仁楊文乾程含章提學

道陳肇昌鎮南將軍蟒吉圖布政使張仲德魯超按察副使

馮侯督糧道蔣伊鹽法道程大畢廣南韶道白璧琛驛傳道

吳嵩仍廣州府知府汪永瑞總兵蓋一鷗李坤左翼鎮總兵

王忠孝副將江起龍黃相冊據

鄉賢祠在學內崇聖殿西祀周楚相高固漢徵士董正孝子

羅威晉大中正王範曲江縣侯洗勁梁刺史馮融唐平章劉

瞻右僕射鄭愚經略使何鼎南漢尚書右丞簡文會參知政

事鍾允章宋諫議大夫邵晔校書郎古成之侍郎馮元歸正

先生梁觀國知容州軍馬持國處士簡克己朝奉大夫曾槐



觀文殿大學士崔與之朝奉大夫蒙甄奉議大夫梁百揆龍圖閣待制李昂英內正言郭閻竹隱先生李用知金州軍陳大震尙書王道夫龍圖閣待制張鎮孫副使陳息卿朝請大夫李肖龍侍郎馬南寶義士熊飛伍隆起明東莞伯何真贈兵馬指揮關敏尙書張度翰林典籍孫蕢給事中王佐翰林待制黃哲教諭李德贈御史趙介處士黎貞教授廖謹侍郎陳璉按察使周新副都御史羅亨信知府翟溥福府尹陳諤副都御史彭誼僉都御史盧祥處士陳琮魯真副使陳政侍郎李嗣僉事康麟副都御史魯能知府吳讓知縣黃瑜參政何淡知府張瓚副使陳騏布政使祁順副使余諒參政黃皞長史林光尙書張泰參政李聰僉事邵智副使黃鑰大學士梁儲通政司參議張詡脩撰涂瑞布政使蘇葵通判梁奎贈

大學士方用中尙書王纘侍郎黃衷侍郎洗光同知湯文經諭德倫文敘光祿少卿陳則按察使盧綸處士張搗翰林院檢討陳獻章尙書湛若水府尹陳錫大學士方獻夫郎中黃著太常少卿黃重布政使何鰲參政梁億員外張潔御史鍾善經尙書霍韜員外郎梁焯祭酒倫以訓參政張拱宸布政使劉士奇主事王漸逵贈少詹黃畿御史黎貫少詹黃佐給事中余經順天府判黎瞻僉都御史李義壯布政使梁廷振知縣陳健僉事趙勳知縣郭大治知府龐嵩鹽運同林烈參議黎民表錦衣衛指揮使陶鳳儀尙書何維栢陳紹儒布政使盧夢陽副使馬鍾英知縣林咸通判李堯卿郎中歐大任主事梁有譽贈同知楊紹震參政胡庭蘭參議梁士楚知州何道瀾僉都御史龐尙鵬知府古文炳同知楊茂先參政陳



萬言贈御史蒙宗遠參政黎民衷知府黃應龍僉事霍與瑕  
光祿寺卿郭棐僉都御史蒙詔按察使王原相僉事陳吾德  
知縣龐尙鴻同知梁紹震光祿寺少卿陳堂御史林培知府  
朱讓光祿寺丞王學會僉都御史曾象乾封尙書何上新處  
士潘梧參議盧龍雲都督陳策御史劉景辰封御史曾一傳  
通判吳繼禧尙書何熊祥副使羅應許布梁使梁有年太僕  
寺卿曾陳易御史馮奕垣尙書潘濬封大理卿倫大禮主事  
歐陽暉侍郎郭尙賓副使關驥侍郎黃儒炳尙書李待問知  
州何天球大理寺卿倫肇修參政區龍禎主事梁鉉尙書李  
孫宸知縣唐夢鯤按察使林枝喬吏科都給事陳熙昌知府  
蕭嗣立郎中趙恂如知縣關季益知州黎宏業僉都御史蕭  
奕輔郎中李廷龍御史梁元柱參議胡平運知州黎崇宣推

官劉士斗知府鍾鼎臣推官鄺曰廣知縣李孝問尙書袁崇  
煥國子監助教胡曰乾兵科給事中陳邦彥彭耀知州梁若  
衡副總兵馬觀鵬生員馬應芳通判韓上桂太僕寺少卿霍  
子衡生員霍應蘭霍應荃霍應芭

國朝知府李作楫舉人陳遇夫教授勞翀歲貢胡方學政馮  
成修舉人勞潼侍郎温汝适同上

孝弟祠在學內明倫堂後祀漢布山令唐頌晉孝子黃舒宋  
朝散大夫黃勳校書郎温若春明孝廉楊英處士李孔脩副  
使鍾雲瑞贈大學士黃鎬贈太僕寺卿黎密鹽運使譚煒同上  
粵秀書院在南門內鹽司街原鹽分司舊署今雙門底之西  
康熙四十九年總督趙宏燦巡撫范時崇滿不及各官捐建  
雍正八年知府吳騫重修沈廷芳記不錄原由廣州府經理乾隆九



年改由糧道稽察添設監院一員後添派一員均於各學教

官內遴委二十六年三十三年嘉慶十四年相繼酌定規條

規條詳乾隆五十七年嘉慶十四年各詳准動項脩葺二十

五年知府羅含章倡捐重脩明黃佐論曰書院非古也修書

麗正殿書院藏經籍置修書院既而大明宮門外皆創集賢

書院學士通籍出入凡以廣購集事校讐也逮宋嵩陽廬阜

嶽麓睢陽各立書院居生徒賜之經傳以相敦學清祐四年

經畧使方大琮於廣州儒學建番山書院其旁列文行忠信

四齋以藏書教授蓋聞鵝湖之風而興起者也列郡於焉視

徵而後游雲集五季青衿政衰緣茲文治不振其亦奎聚之

造則亦何賴於此惟夫學校教導無實講學既廢脩德奚由

邢邵謂此何異兔葵燕麥則夫別設書院以延名儒淑子弟

又焉可無哉嘉定間教授許巨川建觀德亭番山下以合射

正德間猶沿之猗乎昌黎濂溪過化名儒之首也俎豆之地

有詩書矣而禮樂尚缺曷亦倣古樂正所崇四術而施諸教

哉 同治十三年以修貢院餘羨修葺 據阮通志采

越華書院在布政司後街乾隆二十年鹽運司范時紀及諸

商捐建 范時紀記嘗考齊魯接壤齊地濱海以魚鹽甲天下

鄒魯誠所謂南海盛衣冠之氣者耶我朝菁莪棫樸之化

溥遍天下黨庠術序而外各省復創建書院作育人才超越

千古粵東向有粵秀書院人文稱盛而商人子弟寄籍於此

者未有藏脩之地眾商深以為歎積志已久因合詞籲請余

轉申制無俱蒙嘉予且捐資首創即命予酌藏其事於是眾

咸踴躍樂輸已資遂買舊宅一區而更新之其中屋宇池亭

以及草木竹石原已畧具因而稍為布置前建講堂後起書

樓餘胥為絃誦肄業之宜樸而固勿事雕華蓋取其地幽

靜足以收檢身心而已耳工既竣制憲顏其額曰越華書院

躬蒞課藝面加獎勵眾商感復捐項生息以充膏火用垂

永久於是敦請名宿為山長俾得有所折衷庶業不荒而名

有由成矣肄業於是者息游有地董勸有資樂羣砥礪之餘

果能當身肄業於是者息游有地董勸有資樂羣砥礪之餘

庶不負大憲之栽培訓迪而共相沐浴於 聖朝之雅化將

見士氣日新人才輩出使海濱 初設膏火三十名以為商籍

鄒魯名實相副余且拭目俟之 子弟藏修息游之所 姚廷掄記

余特為誌其本末使後之覽者得籍以考核焉兩粵商籍始

以康熙六十年間制府楊公題請照准浙河東例每遇歲始

兩試補弟子員二十名分隸廣州南番三學與民藉一體鄉

試後以人數漸多恐碍民籍解額於雍正元年復請照長蘆

廣州府志 卷六十六 建置畧三



例另編鹵字號以別之於民籍取中一名恩科加中一名人  
數雖多不得出二名外中後改歸原籍蓋自雍正之王子科  
始也嗣乾隆三年督院鄂復念商籍廩增分隸三學有妨民  
額更請撥附府學其廩增定額外另設十五名而恩拔歲貢  
悉照縣學例即於粵省候選此商籍科舉之大凡也至越華  
書院之設督院楊轉運范於乾隆二十年實創此舉歲延山  
長一人董其教而又設立膏火三十名以為眾 其後諸商久  
寓粵東子弟多歸民籍甄別事例遂與粵秀書院同設監院  
官二員嘉慶十一年鹽運使蔡共武捐廉倡修 總督吳熊光  
有記不錄  
十五年署鹽運使楊燁二十年鹽運使方應綸疊次詳准增  
設膏火名額 詳經  
政畧 二十五年諸商捐修 據阮通  
志修  
應元書院在粵秀山東麓同治八年布政使王凱泰捐廉將  
應元宮前半改建為粵省舉人課藝之所設監院官一員紳  
董一員中為樂育堂右為紅杏山房左曰仰山軒堂之前又  
堂三楹題曰正誼明道東為監院又東曰十三本梅花書屋

西偏為董事所此外有中門又出為大門大門臨大池則俗  
稱將軍大魚塘也 王凱泰新建應元書院記余官粵東行省  
既踰年凡為粵士計者有三焉粵東距京  
師七千里舉人赴會試勞且費幸而一試登第再三試或不  
復赴一也其在籍者無書院不如生員有肄業之地膏火之  
資二也其登第官京師者措資不易適者粵東薦紳謀捐資  
歲歲餉之而議未成三也余謂三事當自書院始求書院之  
地於粵秀山麓得道士祀神之廟曰應元宮前有餘地乃改  
為書院應元之名出道書今為舉人肄業地舉人會試第一  
為會元 殿試第一為狀元其名亦宜之凡每歲之甄別每  
月之師課官課膏火獎賞與諸書院同而有加焉其赴會試  
者臚之會試第一 殿試第一者賀之為京官者歲歲餉之  
而皆出於書院書院經費貳萬餘金發商生息又歲撥公費  
貳千餘金其用可足其事可久也凡余之為此籌畫半載而  
後成蓋天下之事思之也周行之也決則無不可成者近代  
以來士以科第為榮為之官長者亦籍科第以為教而其意  
則不止於是也今而後書院之士學則有本有文仕則有為  
有守是余所厚望也書院以同治八年九月成其考課以九  
年二月始爰刊石以記之其章程條目別刊一石置於後  
據應元書  
院志畧修

學海堂在粵秀山林巒幽勝處道光四年八月總督阮元創



廣州府志卷之六  
建爲端溪粵秀越華羊城四書院諸生經學史筆詞賦季課公所設學長八人擬題閱卷粵人知博雅皆自此堂啓之堂後爲啓秀山房今供阮公木主改題阮太傅祠而移山房於堂之南其上爲至山亭其下爲此君亭爲離經辨志齋堂之西別建文瀾閣閣上祀文昌神閣下皮所刻

皇清經解書版咸豐七年省城被兵堂遭毀壞閣亦傾圮同治元年學長領欵修葺文瀾閣則於同治七年請用增修貢院餘項建復據學海堂志畧南海志采訪冊參修

菊坡精舍在應元書院之右其地舊爲靈巖香海道光間將軍慶保建爲游宴之所後改爲長春仙觀道流處焉同治六年巡撫蔣益澧鹽運使鍾謙鈞捐資貳萬金爲膏火經費之需據采訪冊菊坡精舍志畧參修

羊城書院在龍藏街初穗城書院嶺南義學皆康熙二十二年督糧道蔣伊建雍正八年知府吳騫捐修嘉慶八年布政使康基田改嶺南義學爲羊石書院又珠江義學在城南木排頭康熙二十三年知府劉茂溶建布政使康基田改名珠江書院別有兩廣州義學名存址廢嘉慶二十五年知府羅含章以郡屬書院向未設膏火無生徒肄業因將各書院歸併爲一設立膏火規條更名羊石爲羊城改穗城書院曰羊城書院外館同爲諸生棲息之所設監院一員後添派一員經費詳經政羅含章羊城書院記畧古無有不以賢才治天下者郡守無舉賢之權而有教士之責教士之具學校是已廣州城內粵秀越華兩大書院通省賢才之藪也其專屬之郡者復有小書院三義學二歲由郡守延塾師五人八人支脩金五十無生徒膏火數十年來雖歲必延師而從者聞如嘉慶庚辰余莅郡倡修兩大書院事竣復於郡屬各學擇其稍完善者得羊石穗城二所乃併其三而入之徹底重修增蓋齋舍仍合二爲一易名羊城請於院司得充公



田七頃變價連官紳捐題等款共得銀三萬兩發南番兩縣當商生息歲得息銀三千兩設立生童內外課膏火一百七十分立定規條延請名師實心教讀余公暇即到院中教諸生以修身立品實濟時用之學升降有等勸懲有序庶幾收實效焉  
阮通志修據

廣府義學在城內衛邊街同治十一年知府馮端本建延兩

師一課文藝學徒額五十名一訓蒙學徒額二十五名據府冊修

南海縣學在郡西南隅始附於郡學西廡宋嘉定二年知縣

宋鈞建於縣東六十步經略使陳峴增置學田四十餘頃淳

祐四年經略使方大琮捐貲改建宋季燬元至元三十年復

徙建城西高桂坊崔菊坡祠故址明洪武三年詔興學校乃

增飾之二十二年訓導張立以廟學湫隘請於御史王驥關

東北民房以廣之始創饌堂二十六年教諭唐善同復請於

巡按御史朱希文展華子巷西南民居改門南嚮永樂七年

教諭盧昌重新之正統八年提學僉事彭琉重建大成殿擴

學後地創尊經閣及東西號舍景泰三年副使韓雍以鹽倉

街隙地易學東民房以增拓之天順元年巡按御史徐瑄始

鑿池跨以石橋成化五年知府吳中易櫺星門柱以石韓殷

不八年都憲韓雍重修邱濬修南海縣學記畧王者之化與

緣之處學校隨之無間邇適南海在中國極南之微孔子歿

後二百十有六年始入中國適在儒道厄絕之世歷漢晉而

隋唐至宋慶曆以後學校之制始備南海古郡也隋開皇之

世始以名縣縣學舊附於郡學西廡之下元初始徙於今所

薄於民居甚隘且陋景泰初始蘇韓公來貳廣憲始謀拓大

首徙近居四家民地益學規畫甫定以擢任還朝功弗克究

成化八年公自都臺出督兩廣軍務事既備慨然欲畢前

志乃出官帑授藩臬二府俾左布政使張公瑄按察使甯公

良等經營之而以提學胡公榮專任其事會未踰時凡學校

規制所當建置古昔所未有及而未備備而或廢壞者一

日巍然煥然甚稱都憲公作興之盛意諸公間遣南海文舉

陳元賚書浮海來徵予記惟聖人之道放諸四海而準儒道

不立則王化不行南海在秦世已入中國方是時詩書之教

廢而仁義之澤竭惟刑名功利是用華夏且不有於儒而况

廣州府志 卷六十六 建置畧三



四方之外乎漢興始崇文教重經術以至於今中間或有所廢弛然未有舍學校而能作人才成風俗以成一代之治者也我高皇帝開基之三年即詔天下立府州縣學頒示規制教本孔氏六經解經必用濂洛諸儒之說諭百年於茲學制大備文教日興故雖窮荒絕域之地前代所未能臣服者莫不皆有學校南海在前代若遐州在今日則內地也其風俗視華夏不殊人才之興日新月盛士生於斯固毅然以正德華夏自居而中州之士亦安敢藐然以遐外視之哉

元年知縣楊純重修據張詡記純以宏治乙丑蒞任是年冬

嘉靖六年提學副使歐陽鐸建聚奎樓增建旁舍三十年

提學副使張希舉易民居改遷學門萬曆十八十九二十二

十一年知縣蔣汝瑚等相繼修之郭棐重修學記略今天子御宇十有八年豐城蔣侯

來令茲邑祇謁聖宮徘徊瞻覽大懼神靈弗安乃請於當途捐俸助修其始修則自禮殿廡門及東西翼坊工始庚寅仲冬迄辛卯孟夏而竣其繼修則自啟聖宮清獻祠書閣三十

四年知縣劉廷元請於提學副使朱燮元釐復侵地捐俸重

修增建名宦鄉賢祠敬一亭會膳堂諸生號舍五所朱燮元馮奕垣

區慶雲有記俱不錄崇正七年知縣黃熙印教諭陳邦奎復青雲路舊址於民居修興賢育材二坊十五年知縣朱光熙捐俸置造

廟中祭器

國朝順治七年平靖兩藩克復廣州駐兵內城學宮廡舍混

居兵弁兩楹之間至以牧馬靖藩嘗一修之彭鈞重修南海

為粵邑冠其學距今數百年葺而圯圯而復葺邇者兵燹之餘鞠為茂草有司屈於物力欲新之而未及也靖南王既鎮

粵粵人祇服乃慨然念庠序為首善之地南海為粵邑之冠大捐橐貯廟貌聿新邑人士復得聚處而習誦焉然其

址為旗兵所佔多失其舊康熙二十二年撤藩參議蔣伊首

請修建巡撫李士楨將軍王永譽會議購舍屋與旗兵遷易

蔣伊首捐庀材各官悉捐助有差知縣郭爾庇教諭陳天柱

訓導郭凌霄董其役徐元文重修南海學記天地之氣自北

盛於三代以前而大江以南盛於漢唐之後其勢然也南海於古為郡今為廣州首邑山川靈秀鍾於人文大魁名輔節



義文章之臣相望至於明而尤盛 國家平一海內兵不留  
 行而廣州獨煩再駕武士積怒空其城而俘馘之繼而諸藩  
 叛亂暴橫恣睢土氣久困而不復南海學宮在坡山之陽丞  
 相菊坡祠故址拓為文廟歷三百餘年而一旦鞠為茂草殿  
 宇頽剝階阼荒穢聖賢之位僅有存者上兩旁風黯然無色  
 介胄之士割其地而私之牧馬兩楹之間瓦礫糞土積高與  
 樞星門等春秋歲時之祭寄於他所參藩莘田蔣公始下車  
 怒焉傷之日此吾先大夫作令時講學之地也乃請於中丞  
 李公將維新之會有旨廢藩餘人皆令內徙分城之東為  
 民居西為兵居毋使相雜南海學宮界處兵民之交則又謀  
 之將軍王公別購屋五十餘所與兵相易資之使去學宮之  
 地始廓然復其故有於是鳩工庀材專員董之諏吉於康熙  
 二十二年閏五月而告竣紳士耆老以手加額不圖復見太  
 平之舊也乃躉貞珉以記事之文來請夫仲尼之道如日中  
 天無遠弗照况南州炎德離明之位前哲之所產哉然而薄  
 雲微翳則千里為陰霜凝寒則羣芳不秀南海之為陰霾  
 寒洄三紀於茲得二三大僚同力相助施其揭日回陽之手  
 天地之氣小屈而大伸川嶽之靈久積而大發當聖主右  
 文偃武之時值歷數上元甲子之會吾知南海將軼宋明而  
 加盛矣吾兄健菴昔遊南海還為予言莘田先大夫南陔先  
 生作令時多惠政與諸生講業衡文朝夕忘倦所賞拔之士  
 無不售者南人至今德之像於宮牆之內今莘田能繼志而  
 益大之可謂孝矣其為德於南人又何如也是役也廓清倡  
 率之功則將軍王公中丞李公之力為多故當大書特書及

夫捐助之數董事之員廣袤之舊例得附載於後予懼夫詩  
 書禮樂之宮而處之介胄貌貅之內不可使久而湮沒也

然旗民雖遷故址仍多未復乾隆元年知縣魏綰詳請拆遷  
 旗民恢復學地總督鄂彌達具疏題請二年春署廣州將軍

都統安宏多人覲復繪圖而奏得  
 旨俞允

詔發帑金按間給值俾令遷還計凡二百有二間於是撤舊  
 營新規制始臻大備魏綰記畧南海有學歷宋元明遷徙無

葺閱今五十餘年乾隆三年綰蒞任茲土首謁學宮細按邑  
 志所載舊址多缺遂請文武各憲議遷旗房按間給值當事  
 上陳得旨俞允於是度地庀材經始戊午十月落成庚申  
 十有二月 旨俞允於是度地庀材經始戊午十月落成庚申  
 殿廡之側即屬旗房兩楹之下悉供牧馬相沿數十載宰斯  
 土者苦申詳報可之難因仍不改丙辰我魏邑侯甫蒞事即  
 喟然有新學宮之志諸生鼓舞輸金三千有奇侯日無庸我  
 朝隆師重道更修闕里 聖殿動支帑項數十餘萬直省  
 郡邑修建學宮亦多題請 國帑乃繕文申請文武大  
 憲總督鄂公都統安公先後具奏果得 旨俞允

廣州府志 卷六十六 建置畧三 四十四



年知縣常德重修嘉慶二十一年邑紳謝蘭生崔槐等呈請

捐修大成殿及尊經閣名宦鄉賢各祠南海縣詳嘉慶二十年十月十五日南海縣儒學移稱翰林院庶吉士謝蘭生內閣中書崔槐等呈南海學宮自乾隆四十年重修迄今數十年風雨剝蝕大成殿及兩廡均有滲漏尊經閣鄉賢名宦各祠并四面墻垣亦多頽塌茲闔邑士民自行捐項重修據阮通志南海志

修參 西湖書院舊曰南海義學在西湖街雍正元年知縣劉庶捐

修嘉慶八年布政使康基田動支司庫閔款修葺改今名道光二十九年重修據阮通志南海志采訪冊參修

佛山書院舊曰汾江義學在佛山廣德里乾隆八年同知黃

興禮建黃興禮記畧南海為廣郡首邑有鎮曰佛山烟戶逾二萬四方挾貨賄賈遷梯航畢集其土著暨僑居者秀異傑出之士多治經生業闡麟絃誦相聞舊有崇正社學一區在呂祖廟左側建自前明延師長課授生徒朝文教覃敷人才日盛向所謂社學者庫陋不足以容則另儼民舍以為肄業所市塵喧雜深懼弗稱乾隆戊午余調任

茲郡即謀所以廣之適刺史石門馮君奉檄歸省其封公先生於里第語次雅有同志余遂割奉金三百為倡馮君喬梓率諸紳士踴躍捐輸共成厥美會奉差北上未暇鳩工比南旋亟飭匠選材圖完是役經始於癸亥秋八月閱五月而告竣諸生之負笈而趨者咸欣欣然有喜色請誌其事

文瀾書院在太平門外下九甫繡衣坊嘉慶十五年邑紳進

士何太清等呈請創建何太清等呈請西關官濠前奉准重楫工竣籌議善後洋行泉商自願送出公產房屋一所承為修濠公所查此項房屋乾隆五十年義豐洋行商人蔡昭復通欠夷賬經前督憲關憲將伊房封變估抵各商照價承買管業茲據各商情願呈出為設立修濠公所更擇數椽創建文瀾書院除外有餘招租取息為修濠會文經費應請給示勒石以垂永久以杜覬覦嘉慶十七年六月日

田心書院在佛山南泉觀音廟左康熙癸丑年僑籍人士合

建 蓮峰書院在豐甯寺左康熙五十七年知縣宋璋偕魁岡大

江張槎深村土墟大富溶洲七堡紳士捐建俱同上

廣州府志 卷六十一 建置畧三



三湖書院在西樵白雲洞同治八年知縣陳善圻捐銀六千餘兩生息為膏火之資據南海志修

儒林鄉書院在九江北方海嘴道光五年鼎建據南海志采訪冊參修

桂香書院在老村鄉沙頭堡公建

河清書院在河清堡

石頭書院在深村堡石頭鄉明尚書霍韜建置田五十畝訓

鄉族子弟同治十三年重修俱同上

謹按南海志載各鄉書院共四十餘今或存或廢莫能遍攷存之縣志不復盡錄

番禺縣學在郡東門內初附郡學西廡宋淳祐元年知縣諸葛鈺相地於縣東南五里創建前俯大江後提舉李鑑攝帥事捐贍軍田四百畝以助養士經略使方大琮臨流築浴沂

亭後燬元至元三十年暫附南海學分析其半以東為南海

西為番禺明洪武三年知縣吳忠訓導李昕度地於東城外

建焉十三年展東城學遂在城內即今學也二十五年知縣

高鸞教諭張敬增修之闢射圃於學右建先賢祠於戟門左

永樂二十年主簿奚琳重建明倫堂劉敬記不錄正統十二年按

察使黃翰重建尊經閣及號舍成化四年知府吳中易櫺星

門以石建東西賢關聖域兩坊八年都御史韓雍重修廟學

建光風霽月二亭宏治六年左布政使馮俊增修并建時習

齋唐盛重修儒學記畧先學規極壯為魁字亭亭南為集英樓樓之前後東西旁列諸生號舍中為明倫堂翼以兩齋

堂前為文廟廟庭東西為廡前為戟門門前為泮池池前為櫺星門歲久頽圯邑侯唐公濙承方伯宣陽馮公俊之命撤

朽以新諸生號舍後建私厨及祭器庫廩粟倉及教諭訓導署經始宏治六年癸丑成於明年二月十五年知

縣趙繼宗重建東西兩齋移儀門於東齋之南撤御書樓



擴霽月光風堂五間填左右汚池建號舍七十餘間自明倫

堂後至北魁字亭劉存業記不錄嘉靖十三年訓導郭偉復建聚奎

亭田汝成記不錄四十二年知縣滕伯輪重修李義壯記不錄萬曆二十四

年知縣楊言據方亮工記十三年知縣蔣之秀二十八年穆

天顏三十三年黃鳴喬三十七年潘士達潘士達有記不錄相繼增

修 國朝順治十二年知縣蔣如松修葺黎民貴李士瀆有記俱不錄康熙二

十三年知縣李文浩重修乾隆十二年知縣周儒萬承式二

十三年凌存涓相繼修莊有恭記五嶺之南郡以十數縣以

於廣州之長而廣州之縣二曰南海曰番禺俗尚瀆美人材

衆多彬彬乎有鄒魯風縣學建在城東偏自宋迄明修之者

數矣歲丁卯邑侯周君儒凌侯存涓萬承式皆殫心區畫

日久而人益勸先後七年功迺成學之徑輪廣袤一仍其舊

而規模則加宏整夫學校為王政之本先聖之德如乾坤之

容日月之光不可摹繪昔昌黎文公謂自天子至郡邑守長

通得祀而徧天下者惟社稷與孔子為然我國家尊師重

道雖句龍棄之祀不可與倫而匡輔翼所以崇正學而振

士風者甚盛而士或務名而鮮實行何歟非乃詞章訓詁溺

焉者深未嘗返諸心而求得於己與庠序學校古制可稽自

郡國立學以來教者所以教學者所以與庠序學校古制可稽自

矣然循名責實則內外交修存天理正人心與四代之學何

異且夫上之化下下之應上其感速其效神所謂如泥之在

也日匪怒伊教和也魯僖公新泮宮而頌聲作曰小大從公衆

多士服從上之教則德心亦能推而大之也則吾鄉涓懿之

俗復多美茂易成之材且得在位者為之與起則夫循名責

實推而大之必將體用兼該處也有守出也者為師車名騰

其道大光豈第間里之榮已哉維時董斯役者吾師車名騰

芳之功為多工既訖邑紳走函請予記因系以詞曰地首炎



濟涵濡聖澤以成我仁里自興版築於今七年費大工鉅不  
解益虔經之營之周侯啟之良宰踵來邑賢佐之徵詞記工  
大書深刻標懿勒鴻垂示無極  
乾隆三十三年紳士凌魚謝  
衛廷璞車騰芳兩記俱不錄

敦源等倡建蓬山閣於櫺星門東祀文昌三十九年凌魚等

重建忠義孝弟祠五十年殿廡窓櫺頽壞紳士胡熙等捐金

修飾五十八年知縣吳□□捐廉倡修碑記道光十五年紳

士梁同新等以大成殿久不修制未完善倡議重建知縣張

錫蕃首為之率至十九年工竣梁同新碑記畧曰建明倫堂

後為堂仍曰光霽則故名宦忠義孝弟祠也故光霽樓也接其

學舍名宦祠在其東其西則鄉賢祠祠前忠義孝弟祠也而

蓬山閣無關制度不復建咸豐七年之役尊經閣為礮焚燬

十一年邑人重建同治元年七月初一日颶風大作尊經閣

北壁復圯明倫堂甬道亦塌重加修理三年增建射圃於孝

弟祠後據阮通志番禺志採訪冊參修

禺山書院在大東門內原番禺義學雍正八年知縣龐嶼建

王士俊記畧昔宋范純仁之知襄邑也縣宇學舍皆新之又

營義學學田擇鄉之賢者董其事首敦實行文藝列第二等

朱子亟為稱許粵西龐君令番禺能集事其大者澄清欺隱

解散盜賊民咸賴之踰年報最人疑令之以強幹勝也令之

言曰宰者民之父母也有母之親在養民有父之尊在教民

廉四千金建義學於縣治之左有堂以布講席有室以資退

息有旁舍以授都養氣象軒露規模宏備落成於雍正庚戌

年二月初吉余因告令曰善哉令之創建斯舉也夫義學之

教與官牆不同官牆之內進取有定額教導有專員義學即

古之路學也猶小學也成人有德小子有造弗限其年士之

子為士農之子亦為士弗辨其類君子學道則愛人小人學

道則易使是道也堯舜之道孝弟而已矣乾隆元年知縣馮

熾先後購民屋為之房舍三十四年邑進士凌魚等倡捐改  
建嘉慶八年布政使康基田修改今名同治六年增建貢院  
號舍以院地相連邑紳呈請督撫准將惠愛街容豐倉舊廩  
地遷建禺山書院原書院地併入貢院餘後三座建復容豐



倉七年集捐建講堂學舍告竣據阮通志番

獨洲義學亦名善俗義學在番禺縣屬菱塘司獨洲村嘉慶

四年鹽運使永惠詳明總督吉慶建立借村內陳姓祠宇為

學舍據阮通志修

九成書院在新橋村嘉慶庚辰合新橋沙涌明經官涌石基

官橋攬山田步石頭岡九屯同建據番禺志修

賁南書院在南村本守備營廢址咸豐六年土匪滋擾沙灣

菱塘兩司團練協同官軍進勦事平紳士何若瑤等請於大

府興建為沙菱兩司講學訓俗息爭脩睦之所

岡尾書院在岡尾咸豐五年合石樓赤山大嶺岳溪山門西

村潭山明經左右里仙嶺草堂烏石蘇坑靈山十八鄉同建

李光廷撰碑記不錄

彬社書院在官山墟道光六年金鼎黃埔等二十四鄉同建

石岡書院在石岡文閣左康熙四十八年建為鹿步通屬會

文講睦之所凌旭升撰碑記不錄

南洲書院在河南俱同上

謹按番禺志載各鄉書院尚有十餘所不盡錄又按

張府志載南海屬社學百有二十番禺屬社學四十

七順德縣屬社學七十四攷社學義學在國朝合

甲應選擇生徒肄業其中聘薦紳宿儒學問淹貫者

為之師束脩膏火之費官為供備以宏樂育載在會

典雍正元年禮部議准州縣於大鄉鉅堡各置社學

擇生員學優行端者補充社師免其差役量給廩餼

凡近鄉子弟年十二以上二十以內有志學文者俱



令入學肄業仍造名冊於學臣按臨之日申報查考  
七年又奉文飭立以訓官音每社動支存留庫項二  
十兩以給廩餼自乾隆四十年奉裁廩項其間延師  
講藝有行有輟彼此不能畫一矣近年粵東各鄉重  
罹兵燹其社學多轉為團練防禦保良攻匪之地今  
載於縣志者尚百數十所而延師講藝者十無二三  
故亦不復載而書其槩於此

順德縣學在縣治東南宣化街明景泰三年知縣周宜教諭  
劉景福始創廟廡堂齋公廳號舍咸用茅茨知縣崔瑀始易  
以瓦天順四年知縣李先改建兩齋及饌堂成化元年知縣  
錢溥立臥碑贊泮池創麗澤亭改饌堂曰觀頤堂建奎文閣  
韓雍有後知縣吳世騰建號房八十餘間宏治間知縣吳廷

倫文叙有十六年吳廷舉為右布政使重修知縣邱道隆改  
建號舍一百二十間按道隆以十三年十四年任順德縣毀  
淫祠一百三十間嘉靖二年訓導羅溥

白督學歐陽鐸始以嘉靖五年署知縣林應聰遷射圃於學  
所毀淫祠改建號舍

門之東舊府館地中為堂左為射器庫右為梯雲社學林應  
聰有

錄不十二年知縣袁鉞建啟聖祠四十二年知縣李有則繼  
修隆慶七年知縣胡友信浚泮池中跨以石梁萬曆九年知

縣葉初春修櫺星門麗澤堂奎文閣右為鄉賢祠左為名宦

祠梁柱臣重修儒學記畧吾邑之有賢宮肇自景泰三年削  
平僭亂造茲新邑誕敷文德於南海之陬實惟我周余兩  
邑侯經畫營度翦其荆棘不創厥基嗣後崔侯李侯錢侯吳  
侯莊侯邱侯會侯李侯胡侯先後來尹茲土增修其缺葺乃  
廢墜於是廟學規制乃始大備迄今多歷年所廟貌如故而  
門垣階屺朽蠹已甚非所以妥聖靈而育羣士也惟萬曆辛  
巳吳門葉侯來宰是邑下車視學慨然傷之廼庀材鳩工誠  
日授事首正殿次兩廡戟門類池尊經閣鄉賢名宦祠明倫



堂會饌堂次第修飾經始於孟秋落成二十年知縣方學龍  
孟冬凡五閱月而悉堅完美好焉云云

重修

梁鵬有三十三年知縣吳宗周重修

薛藩記畧我順德建邑自景泰三年

始宮牆俎豆亦以是歲創興然制多未備有錢學士溥之役則襄毅韓公為政有吳司空廷舉之役則中丞李公為政至於李侯胡侯方侯後先繼美廟貌重新則載在倫太史梁廷評梁計部諸記中可考溫陵吳侯來莅茲士始以修飾學宮為己任程工計費悉捐橐以授高君如璧不移月而煥然矣

國朝康熙十一年知縣王尹與教諭余鼎藩重修三十二年

知縣徐勅捐修並置祭器四十五年知縣何玉度倡修尊經

閣五十七年知縣吳中和修大成殿六十年署知縣樓儼重

修奎文閣麗澤堂名宦祠雍正四年知縣陳鴻熙六年知縣

柴瑋俱重修又建忠孝祠於奎文閣右乾隆四年訓導邵光

祖建修業堂八年教諭曾國鳳重建學署於明倫堂之右十

三年知縣陳志儀建龍門於學宮內二十七年知縣高坤增

修三十七年知縣許鈞倡修又建節孝祠於門內嘉慶八年

知縣沈權衡重修並建射圃道光九年知縣陳遇隆重修殿

廡十二年邑人重修奎文閣據阮通志順德志參修

鳳山書院在城鳳凰山麓知縣吳廷舉建後改四賢祠祀劉

大夏鄒智李承基吳廷舉康熙二十三年巡撫李士楨檄縣

捐建為書院雍正二年為鎮標守備署乾隆三年邑士請遷

營還復書院不果二十三年知縣高坤捐俸移建於城西嘉

慶十七年知縣周祚熙重修咸豐元年署知縣郭汝誠倡同

紳士重修建監院一所

梯雲書院在城內乾隆十四年知縣陳志儀捐俸建四十八

年邑紳重修嘉慶二十四年知縣王緯倡修咸豐二年知縣

郭汝誠倡同邑紳重修



葛堡書院在葛岸堡乾隆十四年知縣陳志儀捐建

西淋書院乾隆十五年知縣陳志儀捐建俱同上

東莞縣學在東城外舊在縣東南二里許宋淳熙十三年知

縣王中行遷於今所王中行遷學記畧東莞故郡也後為監

秀民之戰藝有司者倍他邑士而學館弗稱邑左三里許有

閩於榛菅間者曰學也棟宇綿葛絃誦寂寥今幾何年矣余

領邑未閱月邑士羣以為言詰其地以一二對率眾往覘與

故址相唯呵其孰從違與謹按唐史志東廣名山二邑之黃

嶺其一也有自東矯而南去邑餘百步正與黃嶺相賓主中

夷外曠地屬黎氏余一叩得之遂進邑士告之曰茲化本也

於是樽用儲贏徙而新之向之荒者治痺者做險者豁缺者

備眇故規豈值什伯與學成尚以都養盧粥公田輟網租民

畝失籍者悉歸學歲入倍於曩且增弟子員以充之自經始

至訖工凡再稔而後就是役也邑尉陳穎實先後之余則揭

陽王中行也清開禧二年知縣劉棠移建大成殿於學右嘉

熙戊申八月記熙三年知縣許巨川建寶書閣即舊經史閣

元年知縣趙善鄒重建大成殿後燬於兵燹元至元二十八

年邑士黎友龍重建經史閣李春叟記畧邑學有經史閣宋

五十年矣世運遷革郡縣受兵最烈人不聊生奚暇禮義之

治長編鉅帙蕩為灰埃而閣亦以廢黎君友龍慨然發私橐

興工役不三月間儼然復舊觀士論韙之宋淳熙間學宮隘

陋君之四世祖割地而遷之好義蓋有自來矣然閣者書之

寄書者道之寄道之顯晦繫於書之存亡書之存亡繫於閣

之興廢閣之成斯文於是得所寄焉後之有志者博覽載籍

相與討論服習天地陰陽事物之理歷代興亡治亂之故燦

然在目反而求之身心以為致知力行之地闕微言之幽渺

發陳編之光燦使往聖絕學炳而不墜舊典在而魯安遺大

書出而漢盛斯道之寄在閣閣存而關於人國者大矣

德五年廉訪使趙興祖檄縣彭振重修明洪武八年知縣詹

勗撤廟廡堂舍重建之羅文煥有十四年廟學災二十年貢

士莊恭奏聞詔工部遣使仍舊建復洪熙元年知縣李貞重

修正統四年通判王玘重建講堂六年知縣王尙瑀修殿廡

闢射圃地修觀德亭建號舍致遠亭浚泮池天順七年知縣

吳時中重修錢溥記畧昔魯僖公修復泮宮不見書於春秋

而見頌於詩何也蓋不書常事也而頌之非常

建置畧三



事也學校樂育人材尊賢養老之地也而頌皆不及而獨頌其獻馘獻囚之在泮而且致其懷好音而獻琛是豈其常也哉當是時淮夷病杞及郟而魯為之懼興學以崇化然必夷患息而後人材樂得其所教化以之大行不然民方奔走救贍之不暇而暇治禮義哉宜詩人以是而致其頌也乃者兩廣苗蠻構患而延及東莞無休息然嶺南稱人材軒冕文學淵藪必以東莞為首而轉輸供億之煩亦以是邑為甚使取於民有制而教養不失其道蓋必有善於其令者與今之為令者樂平吳侯時中也侯舉甲戌進士尹茲東莞已及六年以自身率化百廢咸舉尤加意於學校自廡堂齋神廚門樓暨三賢祠攀桂亭靡不撤故而加新諸生來游者眾至廩舍不能容乃購後地一區增造內號四十餘間是役也經始於天順八年甲申正月十五日而成於成化二年知縣范彥理重修邱濬記畧嶺南人材之盛前代首稱曲江在今世則無踰東莞者君子推原所自咸歸重於學校育才之效焉縣學肇宋元至今凡幾廢幾修然皆有而未備備而弗華成化丙戌子友范君彥理來知縣事既三年振作斯文大興學校若大成殿若兩廡若戟門櫺星門會饌堂齋廬庖廚則新之飾其肖像與增塿焉規制大備文采絢耀邑人士以為自邑學以來未有如此之盛者也費一出於已資與夫士夫之樂助官與民咸弗與焉彥理名倫

十八年訓導金正白於提學趙瑤重建明倫堂

正德十三年教諭鄒珠復改建明倫堂仰高亭

十三年訓導方輅建東西齋十五年教諭劉蘭建儀門及倉庫嘉靖四年知縣李性闢射圃於明倫堂東北二十五年知

縣孫學古重建敬一箴亭湛若水及黃佐俱有記不錄四十年訓導周

蓋臣建尊經閣四十一年知縣喬誥復修啟聖祠東西廡泮

橋學門萬曆二十八年知縣翁汝遇以形家言築垣於廟學

之南崇正八年知縣汪運光重修殿廡門堂及亭閣教諭廳

署創土地祠於戟門東知州温可正捐修鄉賢祠教諭錢夢

蘭重建觀德亭三益亭

國朝順治十二年邑人蔡元真重飾

先聖先賢木主康熙十九年知縣裘孔武捐修兩廡明倫堂

二十八年知縣郭文炳捐修戟門櫺星門雍正七年知縣周

廣州府志卷六十六

建置畧三



天成

周天成阮通志

捐修正殿明倫堂戟門櫺星門名宦鄉

賢祠

明倫堂前為兩齋後為尊經閣下為麗澤堂左右為號

舍為

庖為庫房稍西為敬一箴亭文廟北為崇聖祠為文昌

祠為

三益亭為射圃為觀德亭大門外前為石欄東為聖域

西為

賢關學前有塘水環如帶朔望潮通焉少西為興賢橋

乾隆

十六年知縣周儒修大成殿及兩廡四十九年知縣戴

求仁

重修明倫堂

據阮通志東莞志采訪冊參修

寶安

書院在縣南門內德生橋康熙二十八年知縣郭文炳

建五

十九年知縣于梓移置縣南聚秀坊前衛舊署雍正六

年圯

於水知縣周天成修復圯知縣沈會同印光任相繼重

修

沈會同記畧雍正十有一年正月詔天下督撫大臣於

材宏

萬世太平之基業於時粵東有粵秀書院在肇慶者為

端溪

書院移檄所屬令各舉其邑之俊良而肄業焉會同既

拔其

尤以應盛典而東宮文學甲五嶺南咸自矜奮思底於

成會

同敢弗仰體朝廷興賢育才至意俾向學之士咸有

所考

德而問業乎邑故有寶安書院在德生橋東康熙二十

八年

郭令君文炳建五十九年于令君梓更購衛守舊衙將

移書

院於此未及成罷去其在德生橋者至今尚承弗替余

就其

所延鄉大夫姚先生夢鯉為之師願學舍止數椽弟子

願受

業於先生者日益進弗能容也乃謀重建于君所購處

撤其

老屋夷其址日以繞垣樹之薪木統而仍其名曰寶安

書院

額大門楣間以志余之從事於此者猶前

令君

之志云爾經始於雍正十有二年八月

年紳

士張金鑑等倡捐重修

龍溪

書院在石龍鎮乾隆四年知縣印光任倡建道光元年

知府

羅含章率知縣暨戎廳京山兩屬士民重修道光元年

邑紳

曾孔受梁達時等於水南頭倡建龍溪書院外館

靖康

書院康熙間知縣郭文炳建場大使俞子麟監修嘉慶

三年

紳士王文冕重修俱同上

考棚

在縣治前寶安書院左同治十二年知縣張慶鏞率紳



士倡建據采訪冊修

從化縣學在縣治左明宏治七年知縣劉宏創建十三年知縣林晏建東西二齋兩廡十六年教諭羅懋建明倫堂正德九年知縣黎鐸建櫺星門嘉靖元年提學副使魏校建尊經閣三年知縣傅舉創號舍及省牲所易櫺星門以石黎貫有記不錄三十年知縣呂天恩建戟門三十四年知縣鄭景昂教諭傅陽明改建廟廡按從化志與黃通志同郝通志張府志皆以鄭景昂列於二十四年在呂天恩之前似誤三十六年知縣曹濬改建文廟及兩廡又改尊經閣為啟聖祠重修名宦鄉賢祠黃佐有記不錄四十三年知縣陳豫章重修萬曆三十五年知縣沈順臣修廟廡戟門號舍敬一亭鄉賢祠知縣盧慰尊教諭殷輅增建亭齋修泮池四十八年教諭馮應龍崇正二年知縣雷垣五年知縣王志章各重修

國朝康熙四年知縣郭遇熙重修一十二年知縣劉朝祚重

修五十七年知縣蕭大成建兩坊於櫺星門外據張府志從化志參修

興賢書院康熙四十五年知縣梁長吉捐建據郝通志修

石岐書院乾隆二十年建同上謹按郝通志從化書院二

翠峰書院從化志作草堂在縣東五十里韶峒山邑人黎貫建據大清

一統志修

鳳山書院在縣北門外乾隆二十年建嘉慶八年重修據采訪冊

東山書院在南門外知縣郭遇熙建亭池上按從化志只曰書院采訪冊以

為東山云同上

龍門縣學在邑治西明宏治九年創建嘉靖十二年知縣吳

宗元建敬一亭啟聖祠歲久傾圯萬曆十年知縣王士敏四



十七年知縣陳陽長俱重修

國朝順治十一年知縣許元庸重修不錄康熙五年知縣楊

燁捐修楊燁重修學記畧龍門之有學也自設縣始暨余受

莽蕩然無有其不與劫灰同燼者僅一工一役悉計而給之不

以興之乃捐貲協謀凡一瓦一椽一工一役悉計而給之不

再月而無廢財私無廢力都人士相率而頌余何力之有焉是

蓋公無廢財私無廢力都人士相率而頌余何力之有焉是

苟而總以歸於聖人之學獨正聖人之澤獨遠也是為記

五十五年知縣蕭大成重修不錄嘉慶六年紳民捐修以大

成殿逼於後岡崇聖殿置諸右側道光三年教諭謝鳴皋以

體制不合倡捐重建據龍門志修

星岡書院在城東門外原建義學一所歲久傾圮嘉慶二十

四年知縣鍾祥倡捐在舊址建造三楹兩廊共書室二十五

間生員譚世瑛李錫韜董其役於二十五年六月竣工並議

立定經費章程申詳存案據阮通志修

增城縣學在縣治西北鶴子峯下宋開禧中建於城西北登

高峯下初建四齋後合為二嘉定二年復析為四曰博文果

行存忠履信後燬於兵元至元二十五年邑人太社合李肖

龍刻木主祀於士人鄭聰老家鄭遂以宅為學至順三年縣

尹左翔徙建城西冲霄門外南鳳凰岡揭後斯有元季復燬

明洪武三年知縣吉禮建於鶴子峯舊址十四年復燬於賊

永樂間知縣童友成黎顯相繼修復宣德三年知縣蔣謙重

修正統二年僉事彭琉知縣湛詢重修成化二年左參政張

瓚建堂殿齋廡墀聖賢像甃泮池跨以石橋規制漸備嘉靖

六年知縣朱道瀾重修於池外為屏牆十四年知縣孫雲建

夫子宫牆坊額於屏牆南邑人湛若水書之十七年朱道瀾



為按察使檄縣益所未備知縣文章乃建啟聖祠東南列號舍萬曆三年知縣王良心重修胡廷蘭有記不錄歲久傾圮四十七年知縣王如春始易木主即故址重建天啟四年知縣錢忠愛建奎樓於學左崇正十年知縣陸清流建明倫堂於廟左後為教諭廨西為訓導廨

國朝順治十二年訓導王德新捐修康熙二年知縣徐鳳來重修二十七年訓導王啟行以兩廡先賢木主殘缺失次捐俸重修四十八年知縣沈澄修學宮考正先賢先儒名宦鄉賢位次擴櫺星門浚泮池雍正七年知縣周天成建聖域賢關坊忠義孝弟節孝祠八年知縣鹿謙改建崇聖祠於正殿之後乾隆八年題准部覆動項修葺十五年教諭梁鳳來遷崇聖祠於正殿之中仍以後殿為明倫堂建大奎樓於學宮

東南又建名宦鄉賢祠於明倫堂左道光十年知縣明達倡

修櫺星門大成殿兩廡崇聖祠道光二十三年知縣呂應樞

倡修明倫堂鄉賢祠同治十一年署知縣張慶鏞修聖域賢

關兩坊據阮通志增城志采訪冊參修

狝霄書院在鳳池書院右乾隆廿三年知縣管一清建據增城志

鳳池書院在學宮左知縣鄒元忠建乾隆十七年重修同上

講院在會仙鋪邑人曾受益王三奇盧應徵等捐建據縣冊修

甘泉書院在甘泉都沙貝村知縣沈澄建未成乾隆十九年

知縣管一清復捐建據阮通志修

雙鳳書院在楊梅都高埔村東南二里乾隆十八年知縣管

一清捐俸倡建同上

南屏書院在城南隅咸豐八年張星曜建據采訪冊修



瑞山義學在金牛都證果寺左康熙四十九年知縣沈澄捐建邑人姚玉魁姚湘濤先後捐田作經費據阮通志采訪冊參修

鶴峯鳴臯義學在學宮右康熙四十五年知縣沈澄倡建乾隆五十年知縣李樹喬撥田租一半歸鳳池書院

以文書院在城西康熙十七年知縣黃楷捐俸建

丹山義學在雲母都康熙四十四年建

三鄉義學在下都碧江涌口康熙五十六年石灘圓洲碧江三鄉創建

臘圃義學在崇賢都雍正九年生員賴其茂捐建

及泉書院在甘泉都乾隆十九年知縣管一清捐俸倡建

蔡光義學在綏甯都馮村捐金置田一頃俱同上

謹按郝通志載增城書院八曰菊坡明誠獨岡蓮花

鳳池鳳臺講院以文義學六曰鳴臯瑞山三鄉臘圃

甘泉增江又 大清一統志載菊坡蓮花獨岡三阮

通志載書院九義學六今考書院廢者載古蹟其尙

有公產及有文課者錄之

新會縣學在縣治東北宣化坊宋慶厯中始建元因之後燬

於兵惟存櫺星門石柱六明洪武三年知縣吳拳仍建於舊

址十八年開拓城垣主簿傅霖徙前百餘步視故址稍南宣

德八年知縣林建芳重修正統二年提學彭琉增修天順二

年知縣陶魯復新之宏治七年提學副使潘府創道源亭十

二年知縣沈章十六年羅僑正德十年徐乾相繼修之嘉靖

元年僉事陳剛祝倡修飾八年颶風折櫺星門及牌坊僉事

莫相修之十一年知縣張文鳳建敬一箴亭創啟聖祠十二



年僉事朱道瀾建號舍講堂十九年僉事李文鳳創尊經閣  
建泮池步雲浴沂二橋並泮宮坊二十二年知縣何廷仁重  
修三十三年毀於颶風知縣熊坦重修隆慶六年知縣伍睿  
主簿周子愛建天朝文獻坊大觀亭萬曆十年署縣理問王  
夢麟修號舍十二年知縣袁奎建文昌閣於學宮左二十五  
年知縣周道行修聖殿明倫堂及兩廡兩齋名宦鄉賢祠二  
十七年知縣陳基虞修櫺星門左右橋三十六年知縣王命  
璿教諭賴彩移左右橋於東角上曰化龍橋崇正十五年巡  
按柳寅東捐俸重修

國朝順治九年知縣劉象震重建啟聖祠十一年燬於兵十  
三年知縣黃之正重修康熙二年生員區燦文修櫺星門十  
年知縣錢雨教諭劉聯芳修大成殿兩廡戟門泮橋及東西

牆垣二十年教諭詹龍續修明倫堂二十一年知縣何漢英  
教諭吳孟嶙訓導蕭煒光續修尊經閣雍正七年知縣張程  
倡捐重修乾隆四年咨准部覆動項修葺五十二年圯於水  
重修咸豐十一年知縣聶爾康倡捐修一切殿堂祠廡悉撤  
其舊從平地易新規同治三年知縣許寶珩落成

據阮通志  
新會志參

岡州書院在縣城大新街乾隆二十七年知縣張甄陶創建  
景賢書院在江門鹽倉街原江門社學乾隆二十二年創建  
三十五年知縣周之讓重修

古岡書院在縣治西南金紫街元至正間知縣沈壽建明洪  
武十七年以築城廢

國朝嘉慶十八年邑紳士重復修建咸豐六年重修



金紫義學在金紫街向為公所雍正十一年建為義學

紫水義學在縣治花園巷嘉慶十九年候補道盧觀恆子盧

文舉承父遺命捐建

西南書院在城內尙書坊道光二十六年建

天河書院在天河鄉咸豐七年天河公局紳士鍾應元等重

修

觀文社學在木朗村外咸豐六年舉人尹莘奉知縣陳應聘

倡建俱同上

香山縣學在縣治東一里蓮峰之麓宋紹興二十六年建淳

祐四年主簿宋之望徙建於城內西南隅元景定中知縣洪

天驥擴之建四齋至元二十四年知縣王天祥修明倫堂楊

齋有記泰定三年知縣左祥徙復蓮峰舊址吳澄記廣為百

不錄

化之所不及漢晉而唐俗漸易至宋彌大香山縣最後置其

初東莞縣之香山鎮也紹興壬申始陞為縣距宋七百二十

餘年耳而士習亦能與他州相頡頏國朝崇文仍前代之舊

文教所施無遠弗屆而教事之隆替亦繫乎治官之能否焉

盱江左祥職翰林院國史十五年泰定乙丑授承直郎廣州

路香山縣尹其在院也予覘其能官久矣及既赴官予亦歸

田越四年調潮州路經以書來言曰祥以菲材叨膺民寄

思治之本在乎教也茲官之初首謁先聖廟直治縣之西卑

溼隘陋於嚴祀弗稱謀諸同僚抱宋未遷於今所遷之曰縣東有文

廟舊基土質堅燥山勢拱抱宋未遷於今所遷之曰縣東有文

哀今復舊所言為宜廼與同僚往視其地果如所言前直學楊

仲玉起而言曰廟果遷與教諭高元生願獻柱梁礎石已而

羣士各備大小材木以供用節縮養士餘資市瓦甍等泰定

丙寅孟秋起役次年春先構大成殿仲秋落成次構儀門九

間季秋落成惟明倫堂東西廡未完祥既去官仍儲木石屬

同僚嗣成之至順壬申冬東西廡已畢夾室左右各三天歷已

官及邑士營造明倫堂東西廡已畢夾室左右各三天歷已

仕於嶺海間至三幸免鰥而香山小邑獲遷廟學於吉地

始謀雖出於祥終成其事實賴邑僚士之力邑長那海邑

令韓文術邑貳張方穀黃宏益教諭陳汾湯以禮黎復叟郭

至邑士之輸材竭心者楊仲玉高元生陳志袁瑩中也敢斷

稽郡志宋紹聖間廣守章案以無忘僚友士夫成終之勤予嘗

廣州府志 卷六十六 建置畧三



生一百五十餘人各致辭請擇地而徙乃遷於牙城東南隅  
左尹之遷學也亦自西而東與二百餘年前章守之遷郡學  
時異事同章守自作遷學記期如廣俗不變如齊魯今左尹屬  
記於予也所望香山之士其亦如章守之心乎然則廟堂既  
遷而新矣士習之遷而新者亦如之何曰貢詔頒行具有謨  
訓為士者亦惟明經修而新者亦如之何曰貢詔頒行具有謨  
去欲長善消惡此明經之效也耳矣廓志破愚就義舍利存理  
信能恥能讓此行修之實也經不明行不修而徒綴緝程試  
恩遠負聖師之教豈不負邑宰遷廟學以新士習之意哉  
元末毀於兵燹明洪武三年縣丞冲敬仍舊修復正統二年  
僉事彭琉重建正德五年知縣梁榮重修浚池復圯於颶風  
陳璉記畧香山舊有儒學建於縣東隅宋季遷於縣西隅元  
大厯中盱江左祥為縣尹以其地卑溼弗稱復遷縣東隅故  
址地位高爽氣象軒豁誠育賢講道之所士風由是翕然而  
盛惟學廟歲仍其舊歲雖修葺因陋就簡頽圯日甚永樂王  
寅蒲田林公希哲以明經來典邑教越明年偕縣丞敖孟填  
捐俸題助以圖修葺未幾孟填去官繼而饒之浮梁馮誠來  
為邑宰乃謀諸同僚縣丞陳季清主簿林沂典史梁傅各捐  
俸倡諸好義者香山守禦千戶錢惠劉成百戶周聰等邑士  
民欣然捐資來助乃市材鳩工撤其舊而新之所有存者惟廟  
之舊柱八舊梁二而已肇工於宣德二年冬十月至次年春

二月殿堂廊廡始落成無何誠拜監察御史自時而後闕  
郡長樂鄭萬奎由舉人分教是邑諭於邑令黃新主簿周成  
復捐俸題助補其所未治儀門齋舍庖庫器用龕積咸煥然  
一新士庶來觀驚嘆以為昔所未有乃具書徵文記其興作  
始末使有稽焉正統十六年教諭顏階就城中別置講堂嘉  
靖七年知縣林士元奉提學副使蕭鳴鳳檄始拓講堂分豐  
盈倉虛地之半遷建其規制甚備二十六年知縣鄧遷修葺  
黃佐記畧吾邑學越在郭外蓮峰之麓風侵蠹蝕日撓以圯  
嘉靖初教諭顏君階開講堂城中依豐山瞰鉅海風氣餘萃  
僉謂遷建為宜廩生楊濱實贊襄之歲戊子督學憲副山陰  
蕭公鳴鳳聞於撫臺按院皆報可乃檄縣尹林君士元拓而  
營之使義民高德純董其役於是樹表正位儼工經始中為  
明倫堂東西為博文約禮二齋前為先師廟翼以兩廡又前  
為戟門又前為櫺星門左為儒學大門中為甬道西為儀  
門二齋之後為教諭星門左為儒學大門中為甬道西為儀  
臚列樽節財費周葺告竣林君之功也越丁未合尹鄧公遷  
修葺濞徹補厥未備堂之後為饌堂又後為啟聖祠祠左為  
御製敬一亭戟門左右各祠名宦鄉賢其南孔道曲則改  
而直之前為照牆東西脩三十五丈有奇深四丈廣一十  
六丈有奇訓導胡君禮增解於博文齋北教諭張君天叙復  
於學後福山之椒建亭曰鳴臯尹皆助焉且歲入地稅金俾

廣州府志 卷六十一 建置畧三



以時整飾於是制度益完規模宏遠矣

三十三年知縣王好善申請提學副使

朱燮元遷復蓮峰舊址未竣羅繼宗繼成之始易像設為木

主三十六年知縣蔡善繼建亭於明倫堂後以奉撤像名曰

小魯亭蔡善繼小魯亭記香山文廟舊建蓮峰山麓後緣兵

究當時所以不毀者而莫得其故諸生昌言毀與葬分門而

訟中有爛於典故者謂禮必觀會而得其通事必遵王而後

無議今考於先朝詔令則惟屏之撤之而已夫屏之則不

復高拱廟庭撤之則不忍委而棄之以下同於芻蕘稿壤也

於是為分室以安焉上依祖制下順輿情闔之則為藏為葬

賢形象美牆陟降在上在旁此象此亭即與金陵帝王廟並

垂可也亭在山椒山在邑東名其亭曰小魯蓋做孔子登東

山小魯之意云

國朝康熙十年知縣申良翰重修大成殿復九曲水尹源進

山縣儒學舊在蓮峰山下後徙建豐山之陽人文寢衰明萬

歷間用形家言復蓮峰舊址九曲水遠其前土稍稍振起科

第盛於疇昔歲久支流橫潰故道漸湮博士歐陽君毅然以

修復為已任乃請於邑侯申君築堰填壑東反瀉之勢決於疏

滯而九曲故道復開又以颶風狂逞大成殿屋瓦飄注兩廡

坍塌櫺星門啟聖祠石楹暨周垣多廢壞各捐俸金復謀於

鄉人出遺秉滯穗用佐鳩工庀材之費上不虧帑下不五十

病農不踰時而飄注者補坍塌者整廢壞者堅緻完密

一年知縣邱珍姚炳坤陳應吉相繼修雍正元年圯於颶風

三年知縣余慶申請以鴨埠租銀修葺十年魯遐齡舒均相

繼董成復建尊經閣露臺戟門博文約禮齋名宦鄉賢祠忠

義節孝祠規制大備楊永斌新建尊經閣記不錄同治十年節孝忠義祠

為颶風所圯十二年邑紳重修據阮通志香山志采訪冊參修

豐山書院康熙三十一年知縣孔衍珩創建乾隆十三年知

縣張汝霖仍舊址前建講堂五楹顏曰居敬齋後建齋舍六

楹左右翼以廊房十五年知縣暴煜復購東側隙地建東西

齋舍二十間南北軒各五間兩旁各建廊廡三間嗣後購學

前民居創講堂五楹顏曰毓秀堂于堂後建三楹祀宋五子



顏曰豐山書院為立條約十則二十一年知縣彭科撥置田租嘉慶五年知縣許乃來撥置田租十九年知縣馬德滋倡捐增建內廳大堂講堂東西齋舍廊房五子堂彰義祠崇先祠計數十間阮通志云縣志及張汝霖暴煜等記則豐山書院之名自始於乾隆十五年鐵城義學始於雍正三年孔衍珪所創義學無豐山書院名府志誤也孔衍珪創建義學碑記曰吾莅事於香為義學以處遠方來學之士乾隆十一年張汝霖鐵城義學碑記曰邑故有義學在南門內狹甚謀所以擴之旁皆民居鱗比不可得無已則於文昌宮旁書院舊址而經營焉十三年暴煜豐山書院記曰香之豐山書院故鐵城義學也舊址在南門逼近市廛前令張公移建東門文昌宮旁未幾張公陞任去余繼來宰茲邑見其規模整新喟然曰微張公不及此矣繼念茲邑之大學徒實繁恐不足以容乃謀式廓遂以邑士方明經增董其事先購東側隙地建號舍二十間南建亭曰鑑亭北曰尋樂齋鑿池栽卉兩旁各建廊房兩購學前民居創建講堂五楹顏曰毓秀先是張公建居敬齋三間而奉宋五子於齋後旁舍余既建講堂乃移奉於正齋昭其敬也復廣覓旁地置齋舍經營既備又為籌膏火之資得沙田二頃詳明入學擇紳士之有品誼者以經理之易其名曰豐山書院以其地為道光十六年邑治豐山舊址也經始戊辰之冬至己巳春畢工

年邑紳重修龍門易木為石

據阮通志采訪冊參修

龍山書院在龍眼都乾隆二十二年建

據張府志修

欖山書院在小欖藍田坊乾隆五年知縣李景厚建十四年

邑人何紹宇倡修二十一年知縣彭科撥置田租嘉慶九年

知縣彭昭麟重修十七年撥置田租

據張府志阮通志參修

鰲山書院在大黃圃鄉乾隆十六年建

據張府志修

旗山書院在黃梁都斗門墟乾隆十八年建

同上

桂山書院在平嵐鄉乾隆二十一年建嘉慶三年鄉人鄭天

保等重修

據阮通志修

東山書院在雍陌鄉乾隆二十一年建

鳳池書院在翠微鄉乾隆二十二年建嘉慶二十三年知縣

馬德滋修復



鳳山書院在前山寨城乾隆二十二年建

金山書院在下柵墟乾隆二十二年重修嘉慶二十二年重

修按豐山九書院俱知縣彭科修建各撥給田地以資脩脯  
膏火之需彭科九書院記畧今夫書院之設與學校相  
表裏者也且學校建於一邑之中而書院則不妨廣為之創  
立庶四鄰之有志於學者得以就近肄業而無負笈之勞則  
有其舉之必籌畫以善其後此正有司之責有不容已者焉  
香山舊有豐巖二山書院外此或阻山界水向往往者往往不  
能至而陶成或猶有所限是以繼豐巖而起者曰鰲山曰旗  
山曰桂山曰東山曰鳳池曰鳳山曰金山六七年來皆次第  
舉行絃誦之聲遍於四野而延師課士之規視豐巖以為準  
猗歟盛哉顧余所慮者每不難於創之而難於繼之仍之  
之久邑中人士其因乎地之近而肄於豐巖間及散布於鰲  
旗諸學者主席之脩脯幾何修葺之所需幾何余籌之至熟  
而又不欲以議捐置重勞我矜者士庶也適有內沙地有  
請入官者凡若干頃因斟酌以分撥於各書院中俾有所藉  
而脩脯於此出修葺於此需於以勵風俗育人才仰體上官  
右文之意以上答作人之雅化而余區區之心亦得永藉於  
勿替第是舉也為各書院善後之圖而未通為立石惟將  
所割田畝之數備書條列於豐山首建之區而各書院之所  
需皆於此而推可也至於主是席者或做白鹿洞之遺規或  
如胡安定之設教先器識而後文藝余固不敢越俎而為之

贊云  
俱同上

永甯義學在縣治西舊縣丞署康熙四十四年知縣龐嗣焜

改建義學據張府志修

正薰義學在南門正薰街乾隆二年知縣李景厚捐建同上

雲衢書院在南萌墟西北嘉慶十三年鄉人公建據阮通志修

悅山書院在黃角鄉嘉慶二十一年知縣馬德滋建據香山志修

甯山書院在三窰春花園嘉慶二十三年鄉人周廷安等倡

建據阮通志修

古鎮社學在古鎮鄉乾隆五十一年鄉人蔡陟衍等倡建嘉

慶二年巡撫陳大文八年知縣金毓奇先後撥置田租詳經

政門同上

潭洲義學咸豐二年鄉紳謝琛建據采訪冊修



鳳岡鄉學在黃梁都咸豐八年鄉紳建

卓山書院在大涌大嵐兩鄉間同治元年鄉紳林德泉倡建

煙洲書院在長洲鄉同治十年鄉紳黃虞臣等建俱同上

三水縣學在縣治西鳳凰岡一名鳳窩明嘉靖六年知縣程

儒建八年知縣汪克思修黃衷有記不錄二十七年知縣朱端明建

六箴亭三十四年知縣周文燦重修萬曆二十四年知縣高

瀛重修三十四年知縣陳原道建尊經閣四十年知縣閔之

聞重修四十六年知縣何夢駿建雲路天衢二坊天啟四年

知縣陳養素改泮池於櫺星門內崇正三年知縣沈起蛟修

戟門開泮左龍門十一年知縣高其昌建號舍射圃

國朝順治十六年知府黎民貴捐修戟門康熙九年知縣蘇

崑訓導陳大觀捐修殿廡櫺星門建聖域賢關二坊名宦鄉

賢祠啟聖祠又建教諭訓導署于明倫堂後二十四年知縣

王永名捐修周夢龍有記不錄乾隆五年題准部覆動項修據阮通志修

行臺書院在縣城南鴛鴦河畔道光二年總督阮元繪圖命

紳士捐費創建以課士復撥狗脯洲沙田入院以充膏火院

前有樓曰三十六江樓為制府往來駐節之所咸豐四年燬

於寇復遇西潦淹沒六年邑紳梁汝弼等籌捐移建書院城

內學宮之左樓遂廢據采訪冊修

正學書院在學宮右射圃舊址康熙乙未八月知縣鄭玟捐

俸倡邑紳共建據張府志修

鳳岡書院明崇正戊辰知縣蔣獻奇建丙子知縣沈起蛟奉

文建社學改為端蒙社學十一年諸生詳呈知縣高其昌移

社學於南門內復名曰鳳岡書院據三水志修



介石義學在學宮左康熙二十三年知縣王永名即鳳岡書

院改建顏曰介石堂按郝通志載三水書院二日象山曰小

鎮南社學在鎮南堡龍游岡鄉陸大夫祠之側據采訪

大朗社學在楊梅墟道光三十年建

考棚在城內書院之前咸豐四年紳士梁汝弼等議捐創建

額曰高安試院堂曰衡鑒為縣試士所俱同上

新甯縣學在縣治東明宏治十三年建嘉靖二十一年知縣

王臣始建啟聖祠修敬一亭闢射圃於東萬曆中知縣揭廷

植重修

國朝順治十八年知縣鄭滋教諭余鼎藩倡修康熙二十四

年知縣張殿珠教諭馮玉姿訓導林奎捐修四十二年知縣

宜思讓教諭龔朝偉訓導龐吳章倡捐開青雲路議建義學

射圃未舉雍正九年知縣王曷修建明倫堂堂外建奎星樓

改舊明倫堂為崇聖祠改舊崇聖祠為文昌祠改舊文昌祠

為義學其櫺星門泮池皆一一整飾煥然改觀乾隆二十九

年知縣方顯復捐修四十九年知縣夏永瀉捐建尊經閣道

光五年知縣張大凱修十六年知縣胡大復修崇聖祠及兩

廡明倫堂據阮通志張府志新甯志參修

甯陽書院在城西門外乾隆三十五年知縣康基田增修嘉

慶二十五年知縣江涵暉重修據阮通志新甯志參修

文海書院在文村北乾隆三十五年知縣康基田建道光十

五年地文村陳族捐修據新甯志采訪冊參修

謹按新甯尚有潭洲書院溇海義學琴溪書院又麗

澤書院康和書院昇平義學滙川書院皆新建然皆



鄉約之類其延師課業未能攷也

清遠縣學在縣治西南隅宋高祐四年知縣楊觀初建於縣  
 治東南後燬於兵元時主簿白太平復建元末復燬明洪武  
 三年詔興學校知縣李驛教諭岑恕復於故址重建宣德六  
 年毀於西寇次年知縣鄭性初重建正統六年僉事彭疏十  
 二年訓導歐陽本景泰三年縣丞駱雍相繼增建成化庚子  
 知縣黃諒重修江朝宗有記不錄嘉靖二年提學歐陽鐸以迫城湫  
 隘遷建於北門外瑞峰寺故址四年知縣洪子誠重修十八  
 年僉事李文鳳創崇文書院二十三年僉事何元述因知縣  
 林繼賢議建於城內宋時舊址按清遠學遷建不常郝通志  
 張府志所叙不明茲據倫以  
 說等序參互考證於此倫以說遷學入城碑記畧清遠邑學  
 故在北城外荒僻稍遠有司歲時享奠不便曩兵憲西渠楊  
 公定議遷之城內以丁艱去茲小洛何公來代楊公之任下  
 車謁學即日學宮之設宜建國中而在郊外甚非所以上妥

聖靈下俾諸生游息藏修敬業樂羣也余職治兵然聖世  
 右文且古者受成淑問咸有事於學余何辭乃牒上撫按言  
 狀遂以屬邑合林侯乃樹表量地鳩工庀事經始於甲辰之  
 十二月落成於乙巳之十月前為櫺星門次為泮池為大成  
 殿為明倫堂為尊經閣為啟聖祠為敬一箴亭左右為名宦  
 鄉賢祠為教諭訓導廨署為諸生號舍視舊寬衍爽塏闕佈  
 嚴肅予惟是邑之學先在縣治西南隅以迫城湫隘二十四  
 年督學樊倣謂地址沈伏又遷瑞峰隆慶五年知縣鄧文學  
 移聖殿向巽峰萬曆二十四年守道鄭人達建啟聖文公祠  
 二十五年知縣崔之璋修櫺星門明季燬於兵

國朝康熙四年知縣劉堯枝教諭黃許燦卜舊衛故址遷建  
 九年知縣馮臯強二十二年知縣劉士驥二十三年訓導李  
 混各重修五十九年知縣孫繩祖復遷瑞峰乾隆二年知縣  
 陳哲改建陳哲遷建瑞峰學宮碑記畧清遠自隋開皇建學  
 以來於今千有餘年或建於城內或建於瑞峰地  
 經屢易雍正十三年余補官茲土甫下車晉謁 文廟覽其  
 形勢方位偏而案山失拱慨然欲事遷建以力紕不果乾隆



二年始請於上憲定議遷建於瑞峰之下正厥方向二十年  
備其制度經始於二年之秋落成於三年之夏云云  
知縣王玠復詳遷於城內舊縣故址又於隔河創建奎文閣

據郝通志阮通志張府志參修

瑞峰書院順治甲子學使潘公府建後廢知縣張哲修復孫  
繩祖重修乾隆二年知縣陳哲遷建於學宮之左二十一年  
知縣王玠遷於城北隅之松岡咸豐六年燬於賊同治六年  
知縣宋錫庚撥銀一千兩屬邑紳於院後建文武帝君樓七  
年勸捐修復據清遠志修

鳳城書院在文昌宮右舊曰義學乾隆二年知縣陳哲捐建  
二十年知縣王玠改遷於文昌宮後學宮之右道光四年知  
縣周誥始改題書院十年捐金修建後又改遷文昌宮之東  
英清營舊地咸豐十年改為明倫堂同上 按阮通志又有  
滇江書院今廢故不列

新安縣學在東門外坐文岡而朝杯渡明萬歷元年知縣吳  
大訓教諭俞香始建二十三年知縣喻燭教諭施孔儉訓導  
孫光祚改建於城南海防廳之左知縣李汝祚相繼成之規  
制比舊加備崇正十五年知縣周希曜以形勝弗善復遷建  
於東門之外

國朝康熙十年毀於颶風知縣李可成申請修復訓導凌相  
旌相繼修葺二十二年教諭黃袞裳重修乾隆四十七年知  
縣吳沂四十九年李大根相繼修葺據郝通志新安志參修

鳳岡書院在城南和陽街原海防廳署康熙十八年改為東  
莞場署嘉慶六年詳准改建書院知縣孫樹新等相繼成之  
布政司康基田顏曰鳳岡同上

花縣學在縣治東



國朝康熙二十五年知縣王永名剏建大成殿兩廡戟門櫺星門及啟聖祠名宦鄉賢祠文昌祠教諭訓導解署雍正元年改啟聖祠為崇聖祠乾隆元年咨准部覆動項修葺嘉慶二十年重修咸豐四年燬於紅匪之亂五年重脩並補置祭器樂器節孝祠在櫺星門外之西據阮通志采訪冊參修花峰書院在縣署東設縣時剏建乾隆二十六年知縣王鑿重建嘉慶十六年重修同上

番禺陳璞分纂 番禺史悠履初校 番禺金偉基再校

順德羅槩三校 番禺史悠乾四校

廣州府志卷六十六終

廣州府志卷六十七

建置畧四

壇廟

南海縣社稷壇在城西二里康熙二十五年巡撫李士禎檄番禺縣查照舊址建復附城兩縣俱從府致祭其制為壇北向四面各二丈五尺高三尺四寸出陛二級以垣繚之神庫三間神厨三間牲房三間俱為壇之西北以木為主每歲春秋二仲上戊日設主於壇致祭社西稷東祭畢藏主於庫雍正八年南海縣知縣劉庶修據阮通志修

謹按會典社稷壇為大祀

先農壇雍正四年准奉天府尹直省督撫及所屬府州縣衛各於所治地方擇潔淨之地設立先農壇及耜田自雍正五



年為始每歲仲春之日各率所屬官及耆老農夫致祭壇在東門外教場普濟堂後雍正五年建壇後為堂二層正房三間中奉神位東貯祭器農具西貯藉穀兩配房各一間東置祭品西居守壇老農藉田四畝九分在壇前壇田之外繚以周垣乾隆三十二年奉准動項修葺

謹按會典先農壇為中祀

神祇壇中設雲雨風雷之位左設本境山川之位右設本境城隍之位壇在府城南門外大忠祠西康熙二十五年巡撫李士楨檄查建復雍正八年番禺縣知縣龐嶼改建大東門外教場左圍以垣牆開設各門門外東為厨庫牲房西為齋宿所南為正門每歲春秋二仲上巳日合祭

謹按會典神祇壇為中祀

厲壇明洪武三年定制歲以清明及十月朔日遣官致祭前期七日撤京都城隍祭日設京省城隍神位於壇上無祀鬼神等位於壇下之東西羊三豕三飯米三石王國祭國厲府州祭郡厲縣祭邑厲皆設壇城北一年二祭如京師里社則祭鄉厲後定郡邑厲鄉厲皆以清明日七月十五日十月朔日壇向在城西北三里康熙二十五年巡撫李士楨檄縣在大北門外流花橋建復

謹按會典厲壇為羣祀

風神廟在東門外雍正十二年

勅建每歲春秋二仲上巳日致祭乾隆三十二年奉准動項

修葺俱同上

謹按會典風神廟為羣祀



龍神廟舊在巡撫署東雍正三年建五年奉

旨龍神散布霖雨福國祐民京師業經虔供復造各省大小  
二像命守土大臣迎奉因於是年遣韶州府通判陸柱國赴  
京恭迎到粵奉祀乾隆元年改建於粵秀山下以歲春秋二  
仲辰日致祭乾隆三十六年奉准動項修葺一在白雲山下  
有九龍井禱雨屢應乾隆五十年總督孫士毅巡撫圖薩布  
奏請

頒賜匾額

御書靈泉昭貺四字一在靖海門外河旁曰龍王古廟

據阮通志

南海志參修

謹按會典龍神廟為羣祀

火神廟在東門外教場後乾隆二十二年

勅建每歲春秋二仲上巳日致祭乾隆三十六年奉准動項  
修葺

據阮通志修

謹按會典火神廟為羣祀

真武廟在佛山名靈應祠明黃蕭養亂神示靈祐有司歲祀  
之景泰中奉旨春秋致祭並祀禦黃蕭養有功義民梁廣陳  
靖等二十二人崇正八年邑紳李敬問及各姓重修十四年  
邑紳李待問重修

國朝康熙二十四年士商共捐重修

僧鶯重浚錦香池記畧佛山真武廟初名龍翥

祠祠之南有錦香灌花二池日久漸湮惟錦香池尚一在城  
存發以白石繚以雕欄為游覽者臨流環觀之所

北明稅監李鳳建

國朝順治十七年重修一在北門直街兩廊碑碣林立皆宋  
元刊刻康熙二十四年修復一在城東東山寺邑民共建歲



時祭賽甚盛一在太平門外新基一在城西第一津上

謹按會典北極廟為羣祀

東嶽廟在布政司後街同治十年重修據阮通志采訪冊修

謹按會典東嶽廟為羣祀

太歲廟在靖海門內賣蔴街康熙八年建據南海志修

謹按會典太歲廟為中祀

文昌宮在惠愛坊桂香街口康熙二十三年巡撫李士楨重

修蔣伊重修文昌宮記畧羊城桂香街舊有文昌祠街名桂香以祠名也其城西太平門外市屋九楹每歲俎豆之需

於是乎出廢藩入粵遂為強有力者踞去祀事不修廟亦頽廢積三十餘年藩黨北徙大中丞李公移署舊城修舉廢墜

因葺文昌祠新其堂構冬十一月諸紳士釀金恢復故業几筵蘋藻煥乎改觀誠盛典也雍正七年巡撫

傅泰布政使王士俊重修又於祠後買地建揚化樓乾隆五

年知縣魏綰撥置田畝充祀韓海有揚化樓碑記不錄嘉慶六年奉

旨列入祀典歲以二月初三日八月十八日致祭禮儀視關

廟謹按文昌初未入祀典所在聽民間致祭不主於有司廟無專地其番禺縣志所載有小東門外一處又海印寺旁

有文昌宮名珠光殿康熙年建相傳上梁之夕有珠大如椀其光竟天因名見車騰芳珠光殿記

因桂香街廟宇狹隘別建於府學明倫堂孝弟祠旁同治九年總督瑞

麟飭屬重修據阮通志采訪冊修

謹按會典文昌廟為羣祀咸豐六年升入中祀

關帝廟舊在禺山之麓康熙二十五年巡撫李士楨重修李

楨重修關帝廟記畧廣省舊都司署國初改為平藩府第

其與隅有關帝廟為全省保障水旱疾疫凡有事焉必禱禱

必應往予觀察嶺東瞻禮肅然彈指二十餘年以來甲寅逆

藩煽亂戎馬生郊巽宮齋舍鞠為茂草而帝廟獨巋然不廢

豈非神之靈爽有以禱其魄而懾其心哉然廟宇雖存不免

傾欹頽落荷天子英明神武反側底定適予節鉞茲土癸

亥春移駐舊城諮於同事諸司鳩工庀材恢擴殿宇重臻神

像始於春竣於冬丹雘一新維時共襄厥事者布政使郎廷

樞按察使胡戴仁糧道每歲春秋二仲月上戊日及五月十

蔣伊諸有司樂濟美焉



三日致祭雍正三年追

封三代於是增創後殿以奉祀焉乾隆三十五年奉准動項

修葺嘉慶四年因禺山廟地勢淺狹議以育賢坊舊提督行

署改建於嘉慶六年六月興造嘉慶四年三月據南番兩縣稟稱省會禺山武廟地基淺

狹逢朔望及春秋祭祀各憲臨詣每虞擁擠先經詳明各憲將舊提督行署拆卸改建奉總督部堂吉批司酌籌開款飭

發湊辦本司隨據該府議覆前項工程浩大而資費不敷本司隨發銀一千兩運司發銀二千兩潮州府運同捐銀一千

兩共銀四千兩給南海縣知縣彭人傑監修先將頭二門趕造完竣尚有簽題未解銀七千四百五十餘兩分別飭催文

武各員即日移解南海縣湊數趕辦刻期告竣十九年十二月奉

旨加封仁勇二字神牌敬書

忠義神武靈佑仁勇關聖大帝又城東關帝廟雍正七年布

政使王士俊重修後殿增奉三代復購民居於殿旁建屋三

楹用供盥沐道光三十年總督葉名琛重修據阮通志采訪冊參修

謹按會典關帝廟為羣祀咸豐三年升中祀

城隍廟在布政司大街舊稱府城隍廟知府主之南海番禺

無專祀附祭廟中

國朝雍正間觀風整俗使焦祈年奏請改為廣東都城隍然

後巡撫司道皆詣展謁廟建自前明日久傾壞乾隆三十四

年進士凌魚集眾紳呈請捐修經始辛未之冬落成於癸酉

之秋莊有恭記畧城隍之祀前古無之見於吳赤烏二年歷高齊燕梁間書於史唐始著為祀典詔州郡守令咸祀

之李商隱文稱受命上元職守斯土主張威重彈壓氛祲者是也由唐至今廟祀之建始於郡城偏於天下幾與勾龍棄

稷等廣州城隍廟在省會之中凡督撫大吏以及監司守令歲時月吉展謁維虔下逮編氓市販奔走祈禳如驚蓋神赫

厥靈人展厥誠有自來矣建廟之始宋元以前無考大約在前明之初自國朝康熙間重修迄今數十餘年風摧雨剝

宮瓦飄零歲幸未紳士凌魚等願肩厥任呈請捐修內自神殿前堂外而儀門大門次第修理丹堊有光壯麗踰舊爰併

其事余自奉命巡撫吳中間覽舊志城隍之神皆有廟號



賜爵指一人以實其神如鎮江甯國太平華亭等郡邑皆以爲漢紀信事屬附會惟吾粵無之於義猶古顧凡祀典所載若天地山川尊而不親非民所得祀惟城隍社稷於民爲近民實親之故凡有修建皆聽其爲之而不禁高壘深池神輦護之德陽伏陰神節宣之弗若弗順神遺除之爲忠爲孝神翼相之是其有功於民甚鉅固宜其繼自今神揚其休人食其福而與國同悠久乎

謹按會典城隍廟爲羣祀

旗燾廟明初令各衛所立廟建在都司內以祀軍牙燾之神旗燾藏之內府每歲仲秋祭山川日遣旗手衛指揮祭於山川壇之旗燾廟霜降日又祭於教場

謹按會典旗燾廟爲羣祀

天后宮在歸德門外五羊驛東明洪武元年征南將軍廖永忠建

國朝康熙五十九年重修歲以春秋二仲癸日致祭禮儀視

名宦祠廟有數處不主祭於有司不悉載謹按天后宋封順

元至元二十五年加封南海廣祐明著天妃明封護國昭孝純正靈應孚濟聖妃國朝康熙十九年封護國庇民妙靈昭應宏仁普濟天后乾隆二年加封福祿羣生二十二

謹按會典天后宮爲羣祀

藥王廟舊在番禺縣治順治十一年建康熙二十五年修復縣署遷廟於木牌頭今城隍廟右亦有藥王廟乃祀古名醫非藥王佛也同上

謹按會典藥王廟爲羣祀

醫靈廟在城西二里許蘆荻巷之西據南海志修

謹按會典先醫廟爲羣祀

節孝祠一在石馬槽一在雅荷塘雍正二年奉



旨建至嘉慶二十一年南海知縣龔鯤擇地移建觀音山三

元宮之旁嘉慶二十一年四月初二日南海知縣龔鯤詳稱

縣節孝祠坐落旗營石馬槽年久圯壞神牌亦多朽爛兼之

規模湫隘逼近旗營喧嘩污穢勢難禁止必須擇地移建查

觀音山三元宮旁有官地一段離民居頗遠堪以建造節孝

祠現已捐廉發給鳩工購材於本月初一日興工俟工竣之

日另行製造牌位併飭三元宮道士就

近看管以垂久遠而祀典亦昭慎重

又南海節孝祠在南

海學宮照牆外番禺節孝祠在番禺學宮頭門之西據阮通

志南海志番

禹志參修

昭忠祠嘉慶八年建在西湖街嘉慶八年二月二十五日奉

准禮部咨行嘉慶七年十二

月初三日內閣抄出大學士九卿會議嗣後應入昭忠祠文

職三品以上武職二品以上以及八旗官員兵丁仍於京師

入祠致祭其四品以下之文職三品以下之武職及兵丁鄉

勇各附祀於本籍 關帝廟城隍廟如兩廟均無空閒屋宇

即擇別廟地址有可展拓者蓋三楹設立牌位各依官職之

大小序定位次兵丁安設兩旁地方官春秋兩次致祭以五

十人合一牌位續又奉 旨准將出洋

捕盜傷斃淹斃各官兵一體設牌附祀

每年春秋享祭祭期

由部行知令知府官主祭其祭品銀兩赴藩庫請領同治十

年總督瑞麟巡撫李福泰以故祠湫隘卑陋栗主缺如命僚

屬度地粵秀山麓重建祠宇自

國初迄同治己巳凡在本省死事及本籍服官他省殉難者

咸入祀而兵勇民人亦得而羣附焉其制為楹五正座設三

龕凡文武官祀於中龕文職紳士祀東龕武職紳士祀西龕

其兵丁祀於東廡鄉勇民人祀於西廡幕友官親附紳士之

末其家丁書識差役人等附民人之首中龕祀兩廣總督佟

養甲陞授福建汀漳龍道署肇慶府事任為琦署三水知縣

陳德香山縣知縣張令憲開平縣知縣夏謙代理佛岡同知

三水縣知縣羅才綸署增城知縣倪森龍門縣知縣喬應庚

從化縣知縣李福培試用府經歷鍾積惠三水縣縣丞薛

□



代理清遠縣事遂溪縣丞程兆桂清遠迴岐司巡檢沈堃順  
 德都甯司巡檢沈運昌遂溪湛川司巡檢劉光裕三水縣典  
 史林景祚龍門縣典史汪熊龍門典史楊宣從化典史趙應  
 瑞三水教諭江南紀廣甯教諭胡逢榜候選從九品鍾人瑞  
 湖南桂東縣生員鍾子純以上文職官廣東水師提督關天培總  
 統廣東水師都督同知總兵官蓋一鵬右翼鎮總兵許廷桂  
 湖南鎮筵鎮總兵祥福三江協副將陳連陞廣東補用副將  
 翁桂秋副將賀國輝副將王東琳題陞廣西提標中軍叅將  
 周枋督標水師營叅將崔大同撫標中軍叅將凌芳海口營  
 叅將何芳廣州佐領張陞和左翼鎮中軍遊擊文天壽順德  
 協鎮中營遊擊陳璠巖門遊擊沈占鼇水師提標左營遊擊  
 麥廷章右營遊擊沙鎮邦左營遊擊徐汝彪廣州水師旗營

佐領李廷英虎門協右營都司高有功廣東水師都司王福  
 潮州營都司僉書朱鴻祚虎門協左營都司蕭萬奇三江協  
 都司伍登庸候補都司王振高水師提標前營都司洪大順  
 南雄協都司張開平吳川營都司梁國定湖南提標前營都  
 司王懷貴湖南綏靖鎮右營都司王世臣鑲黃旗漢軍防禦  
 王國聰正黃旗漢軍防禦金茂揚順德鎮標中營守備馮俊  
 恩平營守備張權連陽營守備李自明提標中軍守備洪達  
 科三江營守備羅光燦陸路提標後營中軍守備程步韓題  
 補大鵬營守備張清齡撫標左營守備翟黼文督標後營守  
 備馬兆陸路提標中營守備滕躍龍增城營守備唐高崑香  
 山協中軍守備曾琪澄海營守備梁正高惠州協右營守備  
 韋敬章陸路提標守備盛世昌湖南撫標左營守備聶發湖



廣州府志 卷六十七  
南永綏協守備胡國順水師提標左營守備陳廣陞達濠營  
守備李天祥千總張二虎門協千總岑嗣恪王起龍王德貴  
千總毛應龍三江協右營千總程尙德千總梁韜水師提標  
前營千總伍連芳增城營千總鍾定揚水師提標後營千總  
吳其亮順德協右營千總何泰鵬撫標左營千總熊應飛右  
營千總屈超羣香山協右營千總歐炳釗補用山東文登協  
守備曾鵬高水師提標右營千總歐松茂督標左營千總崑  
芳新會右營千總湯騏超湖南提標中營千總高雲龍左營  
千總劉鈞榮後營千總田宏盛湖南沅州協千總翟向陽湖  
南保靖營千總滿長順湖南鎮筵中營千總李文炳湖南  
辰州城守營千總歐占魁肇慶協右營千總柯維撫標右營  
千總崔連陞把總劉忠澄海城守營把總羅華前山寨把總

鄭九琨提標把總劉斌全順德營把總陳士英新會營把總  
鄧國祥把總洪日陞增城營把總梁顯剛清遠營把總楊必  
發三水營把總黃得威陸路提標左營把總王瑞全三江協  
右營頭司把總黃玉寶署三江協右營把總楊盛亮水師提  
標右營把總潘永綦大鵬協左營把總沈家珍順德協左營  
把總伍家猷三水城守營把總林常春永靖營把總劉秉勝  
撫標左營把總黎安瀾督標左營把總黃岐升順德協左營  
把總容騰龍順德協左營把總陳良驥清遠營把總熊永才  
順德協右營把總余殿榮新會營把總關鎮安順德協左營  
把總王昌華督標右營把總張得興督標前營把總袁獻陽  
江鎮標右營把總仇家駿署廣海寨千總黃應祥陽江鎮標  
右營把總符永安水師提標中營把總梁福前山營把總楊



金水師提標左營儘先把總謝營鑣湖南提標左營把總宋開選後營把總巨文泰永靖營把總黃遇龍湖南提標右營把總萬士和前營把總王萬春把總羅振萬湖北導汛營把總周光榮湖南永州鎮左營把總羅啟龍右營把總李士恒湖南綏靖鎮中營把總鄧發甲湖南撫標右營把總史樂章湖南辰州城守營把總唐致斌南韶鎮中營把總曹上雄廣州協右營把總李榮宗把總王文啟順德協左營把總張耀駐防廣州滿洲鑲白旗委前鋒校榮齡駐防廣州漢軍鑲藍旗委驍騎校莫清吉駐防廣州滿洲正紅旗副前鋒校春祿正藍旗漢軍驍騎校孔符玉新塘營外委楊貴撫標外委杜桂明撫標左營外委謝朝陞水師提標後營外委李成龍清遠營外委鍾兆熊撫標左營外委翟長齡水師提標中營外

委把總陳國俊大鵬協右營外委吳殿鼎清遠營左營外委袁達朝外委周名揚肇慶協右營外委李芳春水師營外委陳致祥外委陳玉輝督標後營外委簡廷亮廣協右營外委潘駒水師提標右營外委朱耀宸中營外委鎮光順德協左營外委段世松水師提標左營外委黃朝英中營外委譚全標阮佐三後營外委李龍彪署清遠營外委陳瑞超督標水師營外委陳朝彪王捷升水師提標右營外委李廷彪順德協右營外委姚連發湖南提標左營外委萬大鵬前營外委劉宏玉後營外委周正朝右營外委張應麒張興亮湖南綏靖鎮右營外委張必得湖南辰州城守營外委姜誠江西南昌鎮後營外委畢開琥水師提標右營額外委陳龍驤額外委周振光林以升撫標右營額外委嚴正朝余清兆



督標右營額外外委田浩林大邦順德協左營額外外委何  
超吳熊光額外外委陳豪剛鄭鴻魁增城營山波汎額外外  
委何濟昌水師提標額外外委倪鳳翔右營額外外委黃定  
瀾王廷佐陳殿樑以上武職官東龕祀刑部主事朱蔚謙候補知  
府謝邦瑞廣西平樂府知府陳泰初湖北候補同知蔡文綱  
浙江候選通判林聯芳候選通判陳奉璋廣西興業縣知縣  
鄧之楨湖北候補縣丞梁慶棠湖北糧儲道庫大使鍾秉權  
廣西試用府經歷黃贊韶候選縣丞徐嘉賢安徽甯國縣湖  
樂司巡檢王清詹事府主簿銜郭志信從九品銜鄧安蘇廣  
熙周正標舉人周元英廩生楊嘉謀包仲貞生員梁直監生  
黃鎮芳劉遇昌鄜守良李有光鄭遠章林茂賓以上文職紳士西龕  
祀雲南普洱鎮總兵胡大猷崖門鎮總兵林國良湖南均房

營參將植璋貴州下江營遊擊李寬富留閩補用遊擊陳觀  
光廣西平樂左營都司何振剛直隸武清營都司吳振亮補  
用都司劉振伍外委康達本補用守備梁俊陞補用把總梁  
材千總仇國安儘先千總樊添培補用千總梁楨祥千總王  
承猷仇鸞飛把總王榮德補用把總康德修福建候補把總  
李樹勳外委倫相國毛飛鵬武舉何定鼈章允升彭大魁武  
生李鎮邦甘憲章陳超龍鍾鴻灝謝玉成以上武職紳士陳舉鵬將副  
陳連陞子李性培從化縣李福培之弟張鎮會花縣教諭張繁衡弟生員程士瀛監生  
呂誕登俱花縣官親潘汝槐程廣豐林洪波林洪皋俱花縣幕友王錫  
瀛湖樂巡檢王清之弟東廡祀駐防兵丁一百三十八人督標兵丁三  
百三十八人撫標兵一百六十三人水師提標兵五百四十  
三人陸路提標兵十三人順德協兵九十七人廣協兵四人



肇慶協兵一百一十三人三江協兵五十八人惠州協兵四十九人增城營兵一百一十九人大鵬協兵二人碣石鎮兵一人清遠營兵四十三人香山協兵八人新會營兵二十人永安營兵八人前山營兵四人碣洲營兵四人佛岡營兵十人陽江鎮兵一人湖南兵四千三百三十六人四川兵二十四人江西兵二十二廣西兵三人雲南兵二人西廡祀督標壯勇八人水勇五十二人撫標壯勇四百一十一人水師提標壯勇五十二人水勇三百七十一人水手十三人陸路提標壯勇二人順德協壯勇二百五十三人香山協壯勇三百九十四人肇慶協壯勇二百三十七人新會營勇三百八十一人三水營勇一千一百二十七人前山營勇一百五十八人潮州鎮勇七人清遠營勇三人佛岡廳勇六十四人南

海縣鄉勇三百九十三人番禺縣鄉勇二百七十八人東莞縣鄉勇一百二十八人花縣鄉勇一百七十七人羅定州鄉勇六十五人新興縣鄉勇九人高明縣勇二人清遠縣勇四十九人開建縣勇六人龍門縣勇七人和平營勇二人石城縣勇七人廣勇三人船戶六人司事七人佛岡廳差役一人花縣書識一人家丁五人差役五人南海縣民人十五人順德縣民人二人香山縣民人七人三水縣民人七十六人新會縣客商一人清遠縣民人四百六十九人龍門縣一人

通志梁采麟重建  
碑記檔冊參修

謹案兵丁以下姓名皆存檔冊茲不具錄

汪烈女祠在賢樂巷

據張府志修

山陰潘烈女祠在番禺學宮照牆東

番禺志有傳  
據番禺志修



南海神廟在府東南八十里謹按元和郡縣志在縣東八十一里建自隋世唐

封廣利王唐天寶十載冊祭廣利王文見祀典韓愈南海神廟碑文見金石略宋康定二年

加號洪聖皇祐二年以儂智高遁賴神力加號昭順至和元

年加王冕九旒儀物稱是紹興七年復加威顯元至元二十

八年詔尊神號廣利靈孚王明洪武三年始封南海之神春

秋二仲月壬日遣官致祭六年賜黃金香盒重一十六兩

國朝康熙四十二年

御書萬里波澄四字頒賜廟中四十四年重修廟宇屢遣致

祭雍正三年

詔封南海昭明龍王之神復修殿宇中為神祠東為厨庫牲

房西為齋宿所南為儀門又南立石表為望洋之所每歲二

月上壬日致祭嘉慶五年

賜靈濯朝宗匾額廟臨波羅江上俗亦稱波羅廟云廟有玉

簡玉簫玉硯象鞭林霽所獻銅鼓及宋真宗所賜玉帶蕃國

刻金書表龍牙火浣布今皆不存惟大小銅鼓尚留殿東西

耳明葉盛水東日記南海神廟中銅鼓二黃冠燬其一今存者一徑尺寸圍尺寸高尺寸面圓不甚厚邊突起狀蟾蜍

者六邊地仍出口外寸許以次層細加腰束然下復大與面等面與四圍皆細波紋中心高起寸許圓圍寸徑寸分蓋控

擊處也或曰二廣銅鼓皆為伏波時作南海天妃廟舊亦有之大門內有宋太宗明太祖二

碑其在香亭左右則自前代至

國朝祭告文皆使臣所勒韓碑在東廊道光三十年紳士譚

瑩等呈請重修一在太平門外第十鋪嘉靖十三年建號洪

聖西廟

國朝康熙六年察院董篤行奉

諭祭二十一年禮部侍郎楊正中奉



諭祭據阮通志南海志番禺志參修

助利侯廟達奚司空也謹按達奚司空像今在南海神廟門外之左據阮通志修

南越王廟南越志趙位葬於此其側立廟號曰靈廟加諡曰

昭襄王在縣北一里上有尉佗樓後併入侯王廟今改祀鎮

海樓謹按元和郡縣志廟在縣北三里疑即尉佗之廟也唐許渾詩秦漢持兵鹿未窮自乘黃屋鳥夷中南來作尉任器力北向稱臣陸賈功簫鼓尚陳今世廟旌旗猶鎮昔時宮粵人未必知虞舜一曲薰絃萬古風

陸賈祠在乾明寺側即今光孝寺後併入侯王廟今改祠於

鎮海樓

南粵三君祠在城北鎮海樓祀任囂趙佗陸賈明嘉靖二十

一年知府陳錠建俱同上

楊議郎祠在河南漱珠岡純陽觀旁道光六年建祀漢議郎

楊孚據番禺志修

虞仲翔祠在縣北三里光孝寺南粵王建德故宅虞翻謫南

海居此多植頻婆訶子樹時人稱為虞苑太平御覽樓承先別傳樓元至廣州

密求虞仲翔故宅徘徊躑躅哀咽悽愴不能自勝

國朝嘉慶十五年布政使曾煥重建據阮通志修會煥有新建虞仲翔祠記不錄

天井岡武帝廟西偏供張桓王平南王世子尚之信建據南海志

吳刺史祠在沉香浦祀晉吳隱之明嘉靖間提學副使魏校

建袁昌祥重修吳刺史祠記畧石門有貧泉晉刺史吳隱之甫入郡即酌泉賦詩自明其志既而始終一節如其言迨

召還檢筭而得沉香夫人所留以薰衣被也亟投之水世稱

為沉香浦浦與泉對枕海濱粵人言廉吏者必首隱之顧祠

未有樹也前太常江浦魏校嘉靖初典學粵中力毀淫祠浦

上故有韋內瑤建西華寺因撤而祠刺史其禮佛田地即與

住僧令守祠而入其租以供祀事甚盛舉也前龐中丞尚鵬

題其堂曰清風萬古顧日久荒落田地至不知業者何人南

海陳少參嘗語於大參餘姚鄒公學柱為覈之絲仄已去其

籍無自考也逮今歲癸巳夏四月少參偕郡紳捐金修復以

甲午秋七月始事乙未春二月畢工昔之善為政者孳孳於

民俗所寡故蜀鮮儒而文翁化桂罕禮而衛颯教粵少清修



之吏而刺史誓志焉均足以維世風要以六計方之則刺史  
乎碑吏治矣今天下大法小廉稍攬金冠惠民者已繩之夫  
誰不自愛倘萬其中而有一賄焉或倖以逃文法試過祠宇  
豈能不一動其心而泚其頰耶故勸賢而戒不肖將在茲舉  
顧非氓粵者之所敢任也南海蔣令尹聞始事為捐金以佐  
費蔣名汝瑚豐城人陳少參名堂會秘書名仕鑑李方伯名  
鳳其僉議同事則太守陳遷都運張廷臣運同知鄧于蕃御  
史姚光洋光祿王學曾俱南海人自令尹外率皆同郡少參  
故與昌祚同年因謂當有述也餘未盡者則在碑陰 據阮通志修

粵秀山觀音閣明初建後改名德祠旋復舊道光辛丑之役

咸見白衣神立城上咸豐丙辰十月亦然大吏奏上奉頌

兩朝宸翰曰慈佑清海曰普佑大千匾懸閣上據檔冊阮通志南海志參修

五賢祠在粵秀書院西齋祀宋周程張朱五子以鄉賢唐張九齡宋余靖崔與之李昉英明邱濬陳獻章湛若水方獻夫

霍韜黃佐海瑞龐嵩何維楨楊起元區大倫配據阮通志修

朱文公祠原晦翁書院在西灣街仁王寺址明嘉靖間提學魏校改建

國朝雍正二年遷仙湖街同上

崔清獻祠在南海學內東南祀宋丞相崔與之春秋致祭同上

李忠簡公祠在海珠寺祠名文溪祠後人以公會讀書於此

卽以祀之湛若水有修復海珠李後環以垣堞為礮臺祠在文溪祠記載南海志

臺內每年二月望日由縣官致祭其祭品銀兩在地丁項內

開銷咸豐八年礮臺燬於兵燹祠亦圯同治二年重建祠三

楹據南海志番禺志采訪冊參修

梁端懿祠在惠愛七約關帝廟內舊為禺山書院祀宋梁伯

揆今其門有禺山之麓四字據阮通志采訪冊修

孔孝子祠原粵秀山祀宋孝子孔聖聰今遷大馬站據南海志修



大忠祠在文明門外東南隅舊山川壇左明嘉靖間御史吳麟建祀宋丞相文天祥樞密使陸秀夫樞密副使張世傑春

秋二仲上旬有司致祭

國朝康熙十年番禺知縣彭襄重建顏曰正氣堂右曰臣範

堂左曰遠風堂謹按姜一洪遠風堂記粵之厓門故有大忠祠歲久弗不治戊寅夏侍御葛公行部至其

下捐俸繕新之既成榜其堂曰遠風又據王士正廣州游覽小志南園五先生祠在大忠祠東崇正戊寅巡按御史葛徵

奇葺三忠祠並鑄五先生詩於版久之皆廢同年彭吏部襄為番禺合復新之是則厓門及廣城大忠祠萬徵奇皆嘗修

之而遠風堂之名實彭襄沿徵奇之舊也又府志載謝翺大忠祠詩按大忠名祠始於明成化翺何從有此題據詩殘年

哭知已白日下荒臺淚落吳江水隨潮到海同此政是西臺痛哭詩後人附以大忠祠之名耳黃衷大忠祠記畧宋末

厓門之變信國文公天祥丞相陸公秀夫太傅張公世傑後先仗節死後世祠於厓門志死所也後更祠於岡州侍御孝

也我朝表祀三君子豈一鄉一邑為哉岡州越附海濶不足泉諸大夫爰乃俾郡貳沈子尚經節推莊子壬春任煩焉祠

成榜曰大忠屬衷以記夫忠者中也為臣寶忠者也然有異際焉貢賢獻猷範物而順化是謂宏濟忠在社稷矣正色黜

私出憂君入憂民是謂一志忠在職位矣主憂則辱主辱則死是謂殉國忠在天地矣嗚呼為人臣而忠在天地焉豈得

已乎哉余讀宋史至厓門之役掩涕焉宋謂以仁厚立國禮義養士當夫國步艱播越之禍三至厓門而慘食士之報

且眾至三君子而大以盡予嘗欽其風而悲其志矣夫自行帥死者執者叛以降者馳迅蓬斷無可圖之將收七集散裂

裳以幟茹乾而飲澣無可用之兵亡君立君遺務弱息無可全之勢月變星隕亡機厄兆復無可有為之時三君子者豈

非燭微者哉且猶間關南澁四歷年所瞿瞿然皇皇然致望夫義勝功濟庶幾一旅一成之舊卒之魂濤滄海血碧柴市

而後已孔子所謂臨大節而不可奪者非歟嗚呼可自諒者心也可自制者命也其不敢諒以制者天也是故否泰相乘

世祚幾易而綱常元氣獨磅礴於宇宙無窮之內者三君子之天定矣堂構孔華鍾簾熠燿城南之祠既固且安庸知天

下尸祝不有如武侯武穆者耶庸知三君子之神不為星辰河嶽以効靈於世耶信國有言及不俎豆於其間者非夫也

又庸知不有蹈厲而興者耶夫然後知侍御君為道計遠也詩曰高山仰止景行行止侍御以之

乾隆二十三年知縣彭科復增祀宋樞密使高桂吏部侍郎權禮部尚書徐宗仁吏部侍郎趙樵兵部

使高桂吏部侍郎權禮部尚書徐宗仁吏部侍郎趙樵兵部

使高桂吏部侍郎權禮部尚書徐宗仁吏部侍郎趙樵兵部

使高桂吏部侍郎權禮部尚書徐宗仁吏部侍郎趙樵兵部

使高桂吏部侍郎權禮部尚書徐宗仁吏部侍郎趙樵兵部

使高桂吏部侍郎權禮部尚書徐宗仁吏部侍郎趙樵兵部

使高桂吏部侍郎權禮部尚書徐宗仁吏部侍郎趙樵兵部

使高桂吏部侍郎權禮部尚書徐宗仁吏部侍郎趙樵兵部

使高桂吏部侍郎權禮部尚書徐宗仁吏部侍郎趙樵兵部

使高桂吏部侍郎權禮部尚書徐宗仁吏部侍郎趙樵兵部



侍郎茅湘權工部侍郎馬南寶翰林學士劉鼎孫於東室更

新其祠顏曰日星河嶽同治六年颶風壞祠紳士史澄等呈

請重修陳豐撰碑記三大忠祠祀宋丞相文公樞密使陸公

改建於省城之南園歲久而壞 國朝康熙十年番禺知縣

彭襄重建乾隆二十三年知縣彭科增祀宋樞密使高公桂

吏部侍郎權禮部尚書徐公宗仁吏部侍郎趙公樵兵部侍

郎茅公湘工部侍郎馬公南寶翰林學士劉公鼎孫歲久而

益壞同治六年修貢院工成有餘資乃用修祠新作神主奉

以三室三大忠中室六公左右室堂廣四丈一尺袤三丈一

尺階五級其西復為一堂曰臣範之堂祠堂南為石坊坊南

石橋橋左右池橋南為門又南為外門皆如舊九月興工十

二月落成奉主入祠稽之會典牲酒豆邊視名宦祠禮薦紳

先生咸來拜祠震動肅恭共蒸明如三大忠式臨其上如

六公者在其左右祭畢乃稱曰維三大忠大名塞天地六公

因之而與俱傳於今六百年文公之詩曰下則為河嶽上則

為日星至矣盡矣是以昔人大書四字刻為石坊自此之外

無可論贊尤無可獻弔惟修祠歲月不可以不記乃書其事

刻於麗牲之石以告後人

據阮通志采訪冊參修

南園五先生祠在大忠祠左康熙二十二年知縣李文浩即

南園地建抗風軒祀明趙侍御介孫典籍黃待制哲王給

事佐李長史德至乾隆二十八年糧道熊繹祖詳奉督撫增

祀歐大任黎民表梁有譽吳旦李時行為前後五先生祠同

治六年修大忠祠因并重修歸學海堂學長管理春秋致祭

據阮通志采訪冊參修

仰高祠在郡學內東南隅明天順三年巡撫葉盛合故八賢

十賢堂廉吏祠創建以祀郡之前賢取詩高山仰止之義顏

曰仰高歲丁祭畢知府率僚屬諸生從事其間舊通志及府

據王直記增直記但稱天順年又云祠成之明年庚辰按天

順以丁丑復辟改元則仰高祠之建當在三年記曰仰高祠

者廣州府學禮賢之祠也禮賢而謂仰高祠者何仰賢者之

高風峻節之非尋常可及也非尋常可及而蔽以高之一言

何其善言德行也按太守沈侯所述事略初蔣之奇守廣州

奉於礪名節慨郡之前賢未有祀以晉吳隱之唐宋璟李

朝隱盧魚李勉孔幾盧鈞蕭傲八人引而祀之於城上又益

以晉滕修梁王琳作十賢贊因名曰十賢堂開寶以來茂勛

建置畧四

黃州府志 卷六十七

建置畧四

黃州府志 卷六十七



名德有若潘美向敏中余靖魏瓘陳世卿邵煜陳從易張頴  
八人又合於祠焉名八賢堂在十賢堂之東歲久頽廢而晉  
陶侃宋蘇軾楊長孺元張宏範俱以名宦著國朝僉都御史  
楊信民撫定叛亂有惠及民卒而祠之城隍廟東若唐張九  
齡宋崔與之温若春李昂英郭闡古成之皆鄉先生有祠名  
先賢祠在明倫堂之西射圃之北久而浸弊宿祐甲辰廣帥  
方大琮立張文獻九齡崔清獻與之祠名二獻祠元至元  
中宣撫梁雄飛又以蘇軾楊長孺並祠於廉吏吳隱之祠  
此亦久矣天順改元都察院右僉都御史葉公奉命巡撫  
粵也議所以作新之巡撫監察御史莊公欽宋公榮白公侃  
公洪及潘憲守臣按察使方公員副使楊公宜張公文陳公  
泰鄺公彥譽陳公濂僉事樂公景李公駿謝公獻歐公輝張  
公吳金公愷王公鼎戈公立黃公隆張公祚鄧公順布政使  
宋公彰陳公壘張公瑄參政胡公拱宸龔公毅吳公惠劉公  
焯參議熊公鍊范公琮朱公英議以克合擇室中八賢東室  
三間以祀之考諸賢之爵里名諡以十賢寘室中八賢東室  
名宦鄉先生則真於西室葉公思所以登具瞻取詩高山仰  
止之義更名祠曰仰高祠歲以丁祭畢知府率僚屬諸生從  
事於其間祠成之明年庚辰平湖沈侯琮來知府事喜祠之  
成而崇德尚賢之美得以示勸於無窮既書其合祠之意復  
取諸賢事畧書之碑陰乃屬子記之予年踰八十老病才匱  
不足以與此焉觀諸公所以好賢而作厲之者亦猶昔也既

新其祠美其名而謹其禮矣好賢之志亦豈有已哉緇衣之  
改爲豈但適館授餐將有大者焉勉之而極其至在乎已而  
已於戲表往昔以儀來今此君子所望也故爲之記以見祠  
之所以更作如此若諸賢事畧則有沈侯碑陰之記可考祠  
成之日則天 歲久傾圮  
順年月也

國朝嘉慶二十四年南海知縣仲振履撥款捐俸偕郡紳士  
編修劉彬華庶吉士謝蘭生舉人劉華東倡修同治元年移  
建於文昌宮後東偏上俱同

三賢祠在東橫街祀周濂溪王陽明陳白沙 據阮通  
黃文裕祠在粵秀書院後雙門底街祀明少詹黃佐 據郝通

永賴祠在舊番禺縣前祀明副都御史龐尙鵬 林喬相永賴  
惺菴龐公爲臺察爲節鎮風裁能聲滿天下其大得民心者  
則釐正均徭尤明效也當按浙時博採輿論屬邑餘姚平湖

行條鞭法素爲簡便遂試於一郡一郡稱善乃以上請報可  
卽行於全浙全浙稱善及撫於閩谷於粵咸遵而行之閩粵  
之稱善猶浙也觀其疏曰十年徭役通融派徵編其費不役  
其人則應募者無賠費之煩出費者無不均之嘆詭寄胥免  
建置畧四



者不得售其奸通變宜民莫良於此蓋用足於國而民不傷財藏富於民而國不廢役仁人之言其利溥哉歲丁亥余總粵臬事欲適疊水之游訪公之廬則去世久矣縉紳人士儼然造曰公之良法大有惠於粵曩思報之共建生祠備揭原法以垂永久太史激陽趙公久圮名祠曰永賴堂曰公愛云

國朝康熙二十六年巡撫李士楨修復後至嘉慶二十四年

番禺知縣仲振履重修據郝通志阮通志南海志參修

毛蔡二公祠在仰忠街明嘉靖間建祀明毛伯温蔡經

國朝順治間總兵張國勳重建今為毛張二尚書祠祀毛伯

温張國維據番禺志修

海鼇祠在琵琶洲為明總督戴耀建

陳東井祠在秉政街祀明提學陳政俱同上

陳尚書祠在光孝街祀總督陳瑞據張府志修

曹先賢祠在小南門內祀上蔡侯曹邴乾隆二十二年建

賢良祠在東橫街雍正十一年建祀鎮守廣東將軍蔡良同上

王巡撫祠各鄉俱有之祀巡撫王來任據番禺志修謹按王來任事宦績錄有傳

石公祠在靖海門外祀總督石琳謹按石琳以康熙三十五年任廣東總督有惠政卒於官紳民肖其貌而祀之舊志未載

廣福禪林毀石大司馬坊經邑人查出督令重建石坊於二

門上據阮通志采訪冊參修

峴山祠在歸德門內大市街乾隆五年旗人為協領申文貴

建據阮通志修

雷神祠龍王廟並在西樵雷壇峯有紫姑井取井水禱雨輒

應嘉慶二十五年總督阮元再禱皆得霖雨因建廟祠同上

金花廟在珠江南岸相傳廣州金氏女少為巫姿容極美時

稱為金花小娘後沒於湖數日浮屍不壞有異香里人歛之



爲立祠所嗣輒應成化五年巡撫陳濂稱爲金花普主惠福夫人立廟湖傍今里名仙湖以此也後提學魏校毀淫祠其祠與焉士人於珠海隔江枕流復祀之相傳四月十七日降

辰據一黃山房集修

月泉古廟在馬鞍街祀華光像華光俗傳爲火神城中各街皆多有廟不獨在月泉也據南海志修

九曜古廟在九曜坊祀漢徵士華陀祈藥最靈驗據南海志修

斗姥宮在東門外線香街一在城西蘆荻巷口斗姥即摩支利神明兩廣

總督熊文燦平海寇於空中見之遂立廟以祀 據南海志修

至聖家廟在登瀛育麟里

至聖三十八世孫唐孔幾爲嶺南節度使其曾孫散騎常侍

昌避五代之亂家於南雄保昌縣明時遷廣州康熙四十年

建家廟奉部文設奉祀生一名嘉慶二十二年孔繼編承祀

據孔氏家廟碑阮通志參修

張王廟在番禺石井墟道光十三年建筮日者輒請於神香

火極盛凌揚藻碑記不錄據番禺縣志修

路伏波將軍古廟在南海官窰據南海志修

樓船將軍楊僕古廟在官窰

梁三伯公廟在南海沙涌鄉梁公良岸村人崇禎國變嘗示

靈異捍禦寇盜俱同上

穀食祠在九江堡祀義士陳博民黎貞祠記畧南海廣之沃壤惟鼎安沿流西江日三

峽牂荆暨鬱林三江並匯於梧合流經封康出高要峽踰西

樵山入海湍瀨衝激阡陌漲沒廬舍圯壤歲以爲患民束手

屏未報前代雖有隄防不過踵白圭之餘法洪武之季年九

江陳博文乃相原隄謂夏滂之患莫雄於倒流港窰之必殺

其流乃可於是度以尋尺約其規矩簡易如指掌乃入京師

縷陳便宜高皇帝深嘉之爰勅有司具夫役屬博民董其事



由甘竹灘築堤越天河抵橫岡絡繹亘數十里經始丙子秋告成丁丑夏是歲大稔民皆額手相慶以為帝德如天萬世利也然非博民勇於有為下民疾苦何由上聞乎不有報德何以勸善乃相率建祠額曰穀食 據阮通志南海志修

韓公祠在西樵山雲路村祀明總督韓雍以報奏免通山茶

稅據南海志修

白沙甘泉祠在西樵山雲谷村祀明檢討陳獻章尚書湛若

水

何相公廟在雲津堡大沙村祀明義士何卓

義士祠在吉利堡鄧岡鄉祀明義士關穗關秀等十二人

臨海廟在登滘祀温許二公龐尚鵬記畧故老相傳温許為徙者十之七二公獨倡義兵為鄉人靖難若以身翼蔽之人共推二公為太尉沒乃建廟祀之逮我朝正統己巳黃蕭養

稱亂航海道吾鄉鄉人請禱於二公率眾禦之賊斂舟去自是吾鄉稍聞寇警即踴躍操戈而出焚香飲血盟於神所陰相之威恃以無恐嘉靖癸亥間鄉人重建廟仍其故址而規模視昔曾壯云云

南昌古廟在蠡岡堡一在沙貝鄉一在厯表鄉蘇珥碑記畧氏南海蠡岡人夫人林氏簡氏亦蠡岡人相傳王盡節於宋季鄉人招其魂合兩夫人葬於鄉之馬鞍岡墓在數十步建廟祀王以表忠也鄉人事王既虔王屢錫之福矣而王之靈不獨顯於蠡岡明成化沙貝人民欲祀王適香木浮泊斧之出火光再斧昭然有文曰温南昌遂雕鏤奉祀嘉靖中世宗錫官應天府尹具疏奏聞世宗遣兵部尚書王公之華賁赦封王遂有大賢大聖感應護國南昌靈王之號王之靈於是益著

俱同上

忠義流芳祠在佛山堡靈應祠右祀明廣西田州府經歷曹

謹民人李福全李善祥簡彥文倫逸安霍伯倉梁厚積梁存

慶梁裔誠梁善奴梁彝頰梁斌奴何文鑑譚履貞洗光梁濬

浩洗浩通霍佛兒梁敬親何壽凱陳靖霍忠禮倫逸森洗勝

祿二十三人皆倡義以禦強賊黃蕭養者據南海志佛山志修

霍烈士社在佛山堡祀烈士霍仲儒忠義里人烈士同梁廣



等擊黃蕭養賊黨於柵下海口先驅中礮死據南海志修

徐公祠在平洲堡平洲鄉祀知縣徐秉義報免蕩剿

陶師廟在石灣蓮子岡俱同上

李八恩公祠在鍾村祀宋保昌縣尹李春芳相傳宋南渡時

鄉人避亂南徙公特為發路引置舟楫擇地安插鄉人德之

立廟並塑其所乘馬於旁故俗名曰白馬廟據番禺志修

岳公廟在韋涌鄉祀明主簿岳嶺乾隆三十五年建

牛欄岡義勇祠在省城北道光二十二年總督祁墳巡撫怡

良奏請建立祀禦夷陣亡鄉勇張來興黎楊伍黎勤有黎燕

翼李文昭彭社應林信豐等并鄉民死者二十一人俱同上

祥鎮軍祠在烏涌祀道光二十一年禦夷陣亡湖南鎮守鎮

總兵祥福旁列共塚瘞陣亡軍士據采訪冊修

忠義祠在南海大厝汛東咸豐五年四堡紳士稟准公建以

祀四年紅匪之亂戰歿紳士仇國安等十二人練勇百六十

七人各官皆捐廉為助落成日並遣官致祭四堡置祭田三

十餘畝以供祀典當時省城得保全賴此為犄角也又橫江

鄉忠義祠平地黃竹岐同建亦祀四年先後陣亡之廣州協

右營把總林常春滿駒並鄉勇二十三人又大圃忠義祠亦

祀紅匪之變該堡死難鄉勇百十五人督撫以下捐廉助之

番禺石碁鄉義勇祠同安社十八約公建亦祀禦紅匪被害

鄉勇據南海志番禺志采訪冊參修

李邑侯祠在石樓鄉祀廣東巡撫前番禺縣知縣李福泰同上

順德縣社稷壇在城西里許據阮通志順德志參修

風雲雷雨山川壇在縣南門外二里



先農壇在東南郊三里雍正五年奉文建道光二十九年署知縣丁嘉藻重修

厲壇在拱北門外一里乾隆十年知縣王之正改祀於社稷壇之右俱同上

文昌宮在城內梯雲山梯雲書院左嘉慶二十二年知縣王天甯倡建咸豐二年重修據順德志修

關帝廟在縣治西鳳皇山側明嘉靖二十年建國朝乾隆四年增置祭費十年建後殿嘉慶十年修據阮通志順德修

城隍廟在縣治東明天順四年知縣李先建

龍王廟舊在石湖涌畔乾隆十三年知縣高坤建三十七年遷東門外青雲路西據順德志修

天后宮在南門外明萬曆四十六年建

北帝廟在城北科第舖明萬曆三年知縣沈鈇建榜曰真慶宮

醫靈廟在城南莘村

泰山廟在城南碧鑑坊

三忠祠在龍巖山麓祀宋文少保陸丞相張太傅乾隆十二年知縣王之正捐俸重修

雷將軍廟祀雷萬春明正統十四年黃蕭養之亂神示夢助戰及陣賊望見一大旗中有雷字皆蚊蚋聚成者空中甲兵無數鄉得保存賜敕封忠義鄉

懷德祠在桂甯墟合祀總督李率泰巡撫王來任廣州理刑邱如嵩紫泥司巡檢楊之華康熙元年平藩發兵勦村如嵩



之華代白各憲鄉民得免三年奉文遷界李率泰疏請乞寬界王來任奏准復界鄉民懷德建祠合祀

王中丞祠祀巡撫王來任一在容奇一在沙頭一在鹿門一在桂洲一在馬岡一在小灣一在江尾一在白藤俱同上

忠勇祠在都甯鄉祀明錦衣百戶劉英英死後七十二年知縣吳廷舉毀雷神廟祀之按英薊北人永樂十九年奉命召胡都督至南海西林都遇盜劫商船英奮武殺賊商船脫去英矢盡為盜所殺宏治間

敦武祠在黃連堡祀元末贈兵馬司副指揮使關敏明南海民死於事洪武紀元征南大將軍廖公以其忠義具實聞於朝贈敦武校尉兵馬副指揮立祠以每歲秋九月祀之 據黃通志阮通志參修

梁大夫祠在桂林祀宋梁百揆明學士陳子壯題額曰南國儒宗據順德志修

忠義祠在龍頭堡祀元沙灣巡檢梁曾甫按曾甫見番禺宦績傳

崇義祠在寶林寺東本知縣錢溥生祠後以溥入名宦改為崇義祠以祀邑人死事者蘇劉義梁奎區瑞康熙六十年學

政惠士奇增祀羅忠據黃通志順德志參修

貞女祠在龍江祀宋貞女吳妙靜據阮通志順德志參修

貞節祠在桂圃里祀明劉元妻周氏按黃志黎進貞節祠記為宋鄉進士劉元妻周氏郝志作明人誤

崇報祠在縣治東祀羅忠等九十人明萬厯間知縣倪尙忠建

國朝康熙四十二年據記當作六十年知縣樓儼重修樓儼重修崇古南海地前明正統十四年冲鶴堡黃蕭養聚徒倡亂蹂躪潰裂幾不可制寇平景泰改元大良堡民羅忠等上書揭侍郎請割東涌馬甯西淋三都立縣三年縣成賜今名縣治東南西北周圍一千四百八十六步計地五頃七十一畝皆忠



等所捐稅地所有城池衙宇倉庫厨舍東西分司察院行臺較場公館山川社稷厲壇寺觀橋梁津壩材料磚石亦忠等相築故在城有九番九十戶忠等所開戶也康熙六十年余以理猺同知奉委攝順披覽輿圖稽建造緣由而謹忠等之功為莫大也夫順東粵壯縣科甲蟬聯戶口殷富匪山川城衛之靈曷獲豐亨豫大之象奈何固究所自始禮德施於民則祀以勞定國則祀忠等實有山川社稷之勤而典禮缺如子實怪之故老曰前明倪侯建祠於邑治之東以祀忠等九人至金侯勝曰崇報並勒貞珉後毀於兵燹惟我侯實鼎新余乃捐俸為土庶倡仍其故地建祠凡三進後座各書羅忠等九人之號於版命其子孫與邑人士春秋祭焉匪惟報也亦所以勸立功無大小隨所處而自見在一邑則功及桑梓在一國則功及郊圻在天下則功及天下痛癢疾苦所關而願望各止於其所不為己私不為近效興大利而任小怨謀遠功而忘已出古所謂公爾忘私國爾忘家者也

四賢祠在鳳山原知縣吳廷舉所建鳳山書院後圯知縣葉

口改為四賢祠祀劉大夏鄒智李承箕吳廷舉

胡侯祠在縣治東祀明知縣胡友信

國朝康熙四十四年

御書名文實政匾額

賜禮部右侍郎胡會恩高祖前明進士知廣東順德縣祀名

宦胡友信祠

俱同上

義勇祠在陳村一在羊額鄉各祀鄉中拒賊張保死事者

祀義祠在黃連鄉嘉慶二十一年建祀鄉勇拒賊張保死事

者

義勇祠在龍山墟祀道光乙巳禦賊死事博羅人曾海并附

前後死賊之陳全等五人一在龍眼鄉咸豐元年署縣郭汝

誠建祀道光三十年拒劫死事丁壯梁兆鵬等十四人

節孝祠在學宮麗澤堂之西

俱同上

東莞縣社稷壇在城西

據張府志修

風雲雷雨山川壇在城南



先農壇在城東

厲壇在城東俱同上

東嶽廟在南門外宋紹興四年張勳建崔與之東嶽行宮記

嶽祠久而廢張侯來瞿然曰神與令均受民寄而祠不稱令咎也乃鳩工度材相其故址而加敬焉規模雄深丹雘輝煥茲固所以宅神亦化民之一助也嶽視公可也而以帝稱自本朝始庸非有功於民乎有功於民而崇其祀宜也亦令責也侯名勳字希聖丞相魏國公之姪孫南軒誠敬之學此心所存也侯守魏公忠亮之節而又親承南軒誠敬之學此心所存毫髮無歉復何求於神哉大抵嶽祠遍天下民之遷善悔惡者趨焉侯字民以仁而又託民以神是役也紹興甲寅四月之心亦可以答神庇民之報乃侯之本意也紹興甲寅四月按記但言邑之南不言何邑故增城志亦收之府志亦不能明辨今據職官表一在茶山鄉明正德間建定以為東莞也

國朝康熙四十二年重修據阮通志東莞志參修

關帝廟在縣治前雍正二年知縣周天成捐建

城隍廟在縣治西明洪武二年建

國朝雍正十年知縣沈曾同重修

天后宮在西門外乾隆十四年邑人張氏創建一在南海柵

鄉俱同上

文昌廟在城西宋淳祐間邑丞黃閻建據阮通志采訪冊修

火神廟在縣治西倉前街

龍王廟在縣東鼓鎮峽口

國朝乾隆五十六年重修俱同上

靖海神廟在虎門鎮嘉慶十五年五月建奉

勅加封佑民溥惠神號

御賜福祐環瀛匾額有司致祭總督百齡奏為請建靖海神廟恭懇勅加封號御賜

匾額以彰助順事竊查南海之神載在祀典其廟立於番禺縣治波羅江上即韓愈文所謂扶胥之口黃木之灣而波羅江水所由出海者曰虎門距廟尚遙乃為今之中路海口兩山東臨潮汐出入其中商賈帆檣往來鱗集奴才現在請設



水師提督即擬駐劄於此至奴才上年奉命來粵之日先詣虎門察看海道講求戰防會經默禱於神若得肅清洋面願於該處鼎建廟宇嗣奴才收撫中東兩路投誠人等並皆於此受降昨者大帮舟師勤捕西路之賊風帆順利波濤不驚得以迅速瓊南使烏石二等竄逃無及舟師往返四千餘里為期纔兩月有餘海隅之民咸稱神助此實仰賴我皇上聲威震疊懷柔百神是以波神效靈如響斯應允宜推廣聖主秩望之意增崇廟祀以答神麻奴才現已捐項興工謹於虎門山畔營建靖海神廟仰懇 勅加封號 御賜匾額式彰助順之德永垂祀典之光從此海不揚波慶太平於億禩矣 據張府志阮通志參修

孝子祠在北關祀晉黃舒

湯顯祖孝子祠記先生孝德信諸之山世表南海而俎豆向不與於學宮非關事耶萬歷甲戌邑董侯始奉詔以諸生言請諸督學使者入祀鄉賢會其時新安析治而參里割隸新安或有為兩端議者賴侯斷斷持不可頃之董侯召入而禮臣適下郡國釐正祀典其斤斤於去留之際直為輓近杜倖徑不及先賢何者其事久而論素定也迺攝邑者不深維其義概謂先生故居參里新安則祀新安足矣遂祧主尊經閣中悲夫異時先生隱約蓬蒿何所斷尸祝以為名高顧民彝世教非孝不植後之人自以其心之同然者而景慕與南極並久是先生不植後之人自以其心世以先生重至章章也顧獨據里而議裁罷則參里在晉隸

東莞郡邑則郡之幅員歷今千百餘年始析而置新安孰非東莞故封而先生所視為桑梓地耶何存祀之異議也斯亦淺之乎視孝德矣歲丁亥惠郡理王侯以攝邑甫至咨訪謠俗亟取諸生言以上郭督學請專祀報可迺拓地於邑之郭北關為祠而俾臨川湯顯祖記之

三賢祠在儒學東北宋咸淳中建祀李用後以用子春叟及

陳璉附祀因名三賢祠俱同上

何公祠在教場左祀東莞伯何真有司春秋二仲致祭楊起元題

東莞伯祠詩開國勳臣近有祠當年忠順鬼神知涓埃自匪歸河嶽桑梓誰能保亂離碧甲潮來堪灑淚黃旗蜂起想行師珠簾高棟藏題主亦有鄰翁走歲時

國朝康熙四十八年知縣李思沆重修據東莞志修

忠愍祠在教場側祀陳策明天啟七年勅建據張府志修

袁公祠在水南鄉三界廟後祀袁崇煥一在縣治前據阮通志采訪

冊參修



義士祠在學宮右祀邑人黎友龍及其裔孫黎瑗明嘉靖中

提學歐陽鐸建

按友龍元人嘗捐地為學宮五世孫瑗復捐魚塘供祀

節婦祠在城隍廟左明嘉靖十年建祀宋李昌期妻等二十

八人

節孝祠在縣治前寶安書院左乾隆六十年知縣彭人傑捐

修祀邑人周祥慶妻袁氏等三十七人一在洞口寶安書院

後道光二十九年建

忠義祠在縣東石碣村祀邑人熊飛

王宏誨重修忠義祠記畧南宋時有熊元者由

江西南昌來判廣州路任滿卜居東莞榴花村銅嶺之側四

世孫曰飛別號花溪丁未祚式微元兵入犯至榴花村公以

布衣倡義勤王率鄉兵往惠州投文丞相麾下與元兵大戰

斬其將姚文虎於銅嶺之原再往廣州合新會縣令曾逢龍

兵堅守梅關力戰不支遂死於韶之曲

江明成化年建祠匾曰忠義 俱同上

孫公祠祀明邑令孫學古在縣治西上清觀

據東莞志采訪冊修

董公祠祀明邑令董裕在縣治西今借為城守署

楊公祠祀明邑令楊守仁在茶山鄉

胡公祠祀明邑令胡繼美在縣治南海衛前

馮公祠祀明邑令馮士豪在北門外

何公祠祀明邑令何价在北門外演武橋左

李公祠在西門外祀明邑令李文奎又一在縣治西直街祀

明邑令李模今圯

舒公祠祀明邑令舒應龍在西門外教場右今圯

錢公祠在縣治東廣有倉右祀

國朝知縣錢以澄

關公祠在虎門寨城內祀提督關天培附三江協陳連陸父



義勇祠在阮涌祀咸豐四年死事兵勇盧燦瓊等一百三十餘人俱同上

從化縣社稷壇在城北里許據張府志修

風雲雷雨山川壇在城東里許同上

先農壇在城東二里濟川亭右雍正四年建據從化志修

厲壇在城北社稷壇右黎民表重修三壇記畧國家羣祀咸秩自折旬迄於郡國為壇者三曰山川曰社稷曰厲從化三壇隅列於郭外歲時令丞享祀於壇下凡再至焉有水旱必往祈禱蓋典常也壇創於建邑時今已六十餘載傾圯摧廢更數合莫能修葺甚非所以展禮文

虔明祀也嘉靖戊申灌陽呂侯來宰吾邑乃出羨財招工役祇謁於神以詔興事為壇二處崇之五尺翼以齋室繚以周垣表以綽楔整如鬱如邑人咸謂侯不黷神祀無曠於官守焉據張府志

關帝廟在城隍廟左明正德十三年建據從化志修

城隍廟在察院左明正德六年知縣虞貴建

元帝廟在城北

文昌祠在城北一里

天后宮在北門外康熙三十年知縣郭遇熙移建角山上同上

節孝祠在城外街口墟據采訪冊修

東山劉公祠祀劉大夏毛際可碑記畧曰從化本流溪地舊隸於番禺巡司宏治間譚觀福張洪

祐之徒作亂布政使劉公命副使陶魯等討平之乃建縣於揚武都橫潭村賜名從化累年不就僉議今流溪馬埭田之間號稱沃土宜亟徙以圖久安劉公復按視其地乃徙治焉康熙四年新鄉郭君遇熙宰是邑倡議構書院於城南以造士越五年士風丕振邑人遂欲以書院俎豆郭君源今爾不遑且戒以格於功令而復諭之曰夫酌水不可忘源今爾等去昏昧之俗而聲名文物得齒於廣州十七屬者始終皆東山劉公賜也報功之典奚容緩乎乃捐俸於書院後建閣五楹為專祠祀公俾民得歲時瞻拜焉據阮通志修

鄉賢黎家祠在城內會善街據采訪冊修

藍田廟在城南門外



昭忠祠在城內祀殉難知縣李福培典史趙應瑞咸豐八年奉文建上同

龍門縣社稷壇在城西一里據阮通志龍門志參修

風雲雷雨山川壇在城東三里

先農壇在城東二里

厲壇在城西里許俱同上

文昌廟在學宮左嘉慶十年建據龍門志修

關帝廟在城中東郭市明宏治十二年建據阮通志龍門志參修

城隍廟在縣治左闔陽岡麓

太歲廟在城隍廟左

天后宮在城西門外同上

龍王廟在東門外星岡書院右道光十六年知縣柏貴建據龍

門志

旗纛廟在城內小較場

華光廟在西門外

北帝廟在西門外

相公廟在城南門外祀明殉難上龍門司巡檢李太及妻陳氏宏治九年建

費公祠在城隍廟西偏祀明陣亡典史費嘉懋同上

義勇祠在演武亭明嘉靖四十年建祀廩生葉霽雨副將翟子奇今併祀忠義孝弟祠又祠在下到灘續坑水口祀殉難

知縣喬應庚及恭人郭氏并祀平藍漢山賊陣亡壯勇朱德

案梁瑞昌温金先鍾維學林達英林志英梁益奇黎貴興黎

景秋龍二金姜維寶鍾自貴黎耀祖邱逢勝黎益愛十五人



據龍門縣志采訪冊參修

增城縣社稷壇在北城外據阮通志修

風雲雷雨山川壇在南城外

先農壇在山川壇後

厲壇在社稷壇北

關帝廟在山川壇前舊有古廟雍正五年列入祀典乾隆十

二年重修教諭梁鳳來有碑記

城隍廟在南門內即菊坡書院故址按黃通志在縣治東明洪武二年知縣吉禮遷

於城南鳳凰臺嘉靖元年遷於城東廢天妃宮十四年知縣孫雲遷

復舊廟

國朝康熙二十五年知縣蔡倣雍正三年知縣周天成乾隆

十六年知縣陳廷枚俱重修管一清重修廟記不錄

三皇廟舊文廟改建揭侯斯三皇廟記三皇古無廟唐天寶

力牧五代宋並因之國朝始祀以春秋配以勾芒祝融風后

祠建學置吏設教以視孔子廟學大德三年太常言三皇開

天建極創業垂範為萬世帝王傳道之首今太醫院請以黃

帝臣俞附桐君鬼與區岐伯之屬十大名醫視孔子十哲配

享廟庭是欲以三皇為醫家專門之祖非禮經宜從唐制中

書下禮部議如太常至大元年中書又以湖廣行省言如太

醫院所請配享事下禮部議請以十名醫視孔子廟諸大儒

列配兩廡遂著為合廣州之增城未置廟歲春秋設主寄祀

叢祠中至順二年秋九月江左祥由翰林從事廣州香山

縣尹潮州路經厯以奉議大夫治增城既新孔子廟學於城

西冲霄門外之故址而以舊學為三皇廟壞者易之隘者闢

之漫漶缺漏者塗墍而黜聖之自殿堂祖門凡為屋五十有

二楹炳然如初建然後三皇之祀始尊醫學之教始行夫以

醫家專祖三皇非古制然尤足以見國家尊古聖仁賢重民

命如此有司知守國家常制修其祭祀嚴其教道竭其所職

而已非敢置議醫家既得專祠三皇可謂甚尊寵矣而輒慢

其祠事怠其學政不知民命之所以重其咎大矣凡居是者

可不慎哉左君閻梯平恕所至有善政且知所先務是役也

六賢祠在城內祀宋周濂溪李延平羅仲素明陳白沙後增



祀湛若水龐弼唐祠原在羅浮後以路遙多寇順治間遷於誠求書院咸豐十年重修據阮通志采

崔清獻公祠在鳳皇山陽陳連記畧宋右丞相贈太師崔公

原其帥蜀與廣有功德入人甚大皆建祠祀之在蜀則與張忠定趙清獻並祠於仙游閣在廣則與張文獻祠郡庠而高桂坊與蒲澗之菊湖增城之墓域以及海外咸有祠焉元大德甲辰公會孫繼祖端祖復祀於耆德坊故第洪武戊申王師入廣指揮胡通據為私第歲戊寅公五世孫子璉始於所居桂華堡建祠堂塑公像祀之湛若水記畧宋右丞相清獻公菊坡崔先生故居在增城鳳皇山陽遺址半為城隍廟宏治間有司以廟後建祠祀公像歲久就荒若水奉使安南卜居駐節於棲鳳窩為祠右鄰每謁祠而悲之遂出私錢買田十二畧歲入租穀二十石擇謹厚者為廟祀以奉香火適子將治裝北行遂告請邑之鄉賓尹君鳳新其祠宇又有以守之庶幾不廢據黃通志阮通志參修

古公祠在城東祀宋古成之據郝通志修

湛義士祠在沙貝村祀明義士湛懷德後廢巡按顧龍正李

時華重修上同

崇德祠在文昌廟右祀鄉賢胡廷蘭據阮通志修

忠孝祠在縣南祀明王綱及其子彥達按黃志嘉靖七年都

蠻過廣言於提學副使蕭鳴鳳子祖綱洪武初為廣東參議往平潮亂至增江遇寇為所害其子赴難死之舊當有祠想已久毀今可復建也然詢諸邑耆皆無知者乃檄知縣朱道瀾即天妃廟址鼎建祀綱及其子產達既竣事守仁往詣祀事畢駐節數日不忍去曰吾祖寓此而甘泉又生平交義兄弟吾視增城即故鄉也乃題詩壁上曰海上孤忠歲月深舊遺荒落杳難尋風聲再樹逢賢令廟貌重新見古心香火千

故林 蕭鳴鳳忠孝祠記畧公諱綱字性常家世餘姚人洪武四年以文學徵上親策試稱旨拜兵部郎中時年已七十餘矣值潮民弗靖擢廣東布政司參議督理兵餉公即與家人訣攜其子彥達以行既至省乃單舸往諭亂者以順逆禍福皆稽首服罪聽約束威信大著過增城遇海寇曹真願得公為帥公以理開諭不從則厲聲叱罵之遂遇害子彥達奮救不能得因哭罵求死其首曰父忠子孝殺之不祥戒其黨毋加害與之食不顧賊憫其誠容令綴羊革裹尸而出得歸葬焉昔東晉有蘇峻之難在朝公卿奉頭鼠竄如庾亮者塵相望也獨尚書令卞壺力疾苦戰而死二子矚目隨之亦赴敵死故稱父為忠臣子為孝子古以為僅有公父子大節乃與之上下千餘年相輝映非根於天者全體於身教於家



者安固而不遷其何以能是將使萬世之下為臣子者聞其風尚有所振起又豈獨有功於一代之綱常哉公事舊載郡志頗詳嘉靖戊子歲知增城縣朱道瀾始立祠於城南並置田三十九畝圖歲祀焉道公六世孫新建伯兵部尚書陽明先生總督南方列省諸軍事既平邕桂旋節東廣因設祭於祠下鳴鳳觀風此邦樂此廟之成有裨於敘事故書顛末於麗牲之石 王守仁 謁忠孝祠祀文不錄

白沙祠在鳳皇山麓湛若水建以祀先賢陳獻章 俱同上

張尚書祠在城南祀明尚書張度咸豐九年重建 據阮通志

遺愛祠在城北即舊東嶽廟址明嘉靖六年建祀兵備副使

王大用 游應龍重建葉穀王公祠碑記畧先生閩莆陽人官城尤甚公時備兵嶺南提所部臨駐不旬月遂俘斬其渠帥而撫定其脅從數十年積寇以平民用更生公去思慕若父

母然釀金建祠於城南祀之後民復建於城北歲久又圯故老過者歛吁涕洟萬歷辛巳子奉檄治增按圖志索之荒莽中碑石兀然徘徊太息而故址湮於民居過者莫知所瞻仰懼非所以彰顯功德於是捐俸移建於北郭周道旁輦廢

碑樹之新祠又彰顯功德於是捐俸移建於北郭周道旁輦廢六畝有奇以供春秋俎豆父老子弟瞻拜祠下莫不鼓舞舞

呼至有感而發涕者吁是可觀人心已公功著於雲中海陽上穀韶潮諸處載在國家掌故即微增之祀且爭日月之光矧俎豆於茲世世乎且公官司寇尊顯矣歸無一晦之塵家相氏今尚僦屋以居而祠反在在有焉嗟乎益足以見公之賢於人矣是為記 據阮通志修

報德祠在南山翔鳳觀祀徐震游應龍林繼衡盧應科湯价

周校

大中丞王公祠在魁樓前祀王來任

僉憲張公祠在縣治左祀元張光道

邑侯祠在文昌廟左祀邑令張孔修王良心沈澄

石神廟祀石文光 事見嶺海贖石神廟記神姓石氏字文光

景炎二年十月端宗自潮州之淺灣航海過香山元兵入廣州丞相張世傑奉御舟退保秀山颶風舟敗宜中欲奉帝走占城不果遂託往乞師文光察其無還意因言曰丞相為宋重臣當此危難之際萬一天欲絕宋國事不支當死國耳今丞相此行恐天下萬世謂丞相難免一逃字宜中默然文光率所部兵回廣時羣盜盛起互相剽掠文光於增城修築營



屠少府志卷之六十一  
寨備禦一方獨晏然元將張洪範克廣州遣人諭降且欲加之官文光不從以宋亡悲憤不食而死邑人懷其捍禦之功立廟祀焉  
號石神廟

節孝祠在學宮之右雍正年建

鄒公祠在鳳池書院大堂左祀邑令鄒元忠俱同上

義勇祠在城東對峙同治十年知縣張慶鏐建據采訪冊修

鴈塔祠在山多咸豐十年重修同治十年知縣張慶鏐重修

石路同上

新會縣社稷壇在城北門外據阮通志修

風雲雷雨山川壇在城西門外

先農壇在城東門外雍正五年創乾隆三十五年嘉慶五年

修

厲壇在社稷壇南

祈雨壇在圭峯山上俱同上

風火神廟在城西門外咸豐五年知縣陳應聘倡建據新會志修

文昌宮在城內西山上同治八年邑紳倡建同上

關帝廟在新城東門內明萬曆二十七年千戶陳大印建

國朝乾隆二十五年知縣熊宗說捐修乾隆二十五年創建

後殿據阮通志修

城隍廟在西城內明洪武三年知縣吳拳建天順中知縣陶

魯丁積重修嘉靖中知縣王交重建

國朝康熙三十六年知縣佟鎔復修據黃通志新會志參修

節孝祠在城內蔣家園雍正三年奉文建立據新會志修

全節廟在厓山明宏治四年右布政使劉大夏勸建以祀宋

楊太后名慈元廟陳獻章為立碑記畧曰宏治辛亥冬十月余與劉公泛舟厓門弔慈元故址始議立



祠於大忠之上邑人趙思仁請助土木劉公尋陞  
任去委其事於府通判顧君叔龍甲寅冬祠成  
事徐紘始具奏人祀典賜今額徐紘奏先年按察司僉事陶

布政使劉大夏始創議立廟於大忠之上以祀楊太后邑民  
趙思仁稱係故宋苗裔請備工力逾年棟宇既成而大夏陞

任去事久未舉乞勅該部行下有司一體置之祀典歲時致  
祭復趙思仁之後給給衣中以奉祠事奉准部議翰林院定與

祠額撰祭文其祭品物照依先聖歷代帝王事例本部行  
令廣東布政司轉屬支給官錢買辦每歲於大忠祠致祭前

一日致祭一次就令彼處正嘉靖九年巡撫李美建行宮於  
官行禮並頒定祭品儀注

圭峯山自是有司致祭惟在圭峯十年守巡嶺南道左參議

等官王洙等會議加增秋祭仍於厓山致祭儒學師生羅士

節大忠二祠請查照各處祀典神祇暨諸鄉賢名宦春秋二  
祭奉提學巡按題允如議每歲增一祭春秋仲月俱於厓山

致祭毋得畏避涉海二十一年順德縣致仕知府趙善鳴呈  
只在行祠行禮塞責

請修復厓山祠廟改題神主增祀死難宮嬪及諸烈婦列欵

凡七事俱於二十五年經提學林雲同轉奉撫按先後議准

允行趙善鳴呈畧厓山乃故宋行朝之地當楊太后及張陸

日屍浮寒海是為君死社稷臣死君天地之大義也乃忠義

泯泯二百餘年遂成化宏治間始有陳公獻章劉公大夏陶

公魯徐公紘張公詡相與容度先後請建殿宇祀典賴孝宗

皇帝憲宗皇帝欽賜俞允立廟與祭嘉靖十年巡撫林口准

該學師生羅士實等議加增秋祭仍令依期於厓山致祭不

許畏避涉海詎人情狃於安逸利於省便嘉靖九年改在邑

後圭峯僧寺為行宮行祠遂每歲於此致祭致厓山廟宇傾

頽忠魂無依甚非所以崇獎忠烈奉行聖旨之意也本年七

月善鳴與客泛舟厓門目擊廢墜追念先師白紗及羣公經

始之難慨然有修復之意適有邑士容遠願助工役遂與相

撫按衙門批示施行一大忠祠原立於全節廟之前背座

太后而享食三公忠正心必不安全節廟宇卑淺未愜人心

况已頽壞不可修復擬於廟左闢地一區另建大忠祠將原

祠改作全節廟前殿則高深遠可觀而太后三公君臣男

女各有門垣廟寢兩殿得之又厓山駐蹕時建軍屋千餘間

行宮三十所中曰慈元殿楊太后居之今全節廟是也議前

廟揭匾曰全節廟後寢榻曰故宋慈元殿兩為得之一  
全節廟神牌題曰宋國母楊氏之神行宮木主則題故宋太

后楊氏之神而徐紘奏准移牒文中又稱宋度宗太后楊氏  
議者謂皆未穩蓋楊氏乃度宗妃如徐紘牒文稱度宗太后  
則非名分也按楊淑妃生益王昞航海至潮州即皇帝位於

廣州府志卷六十七 建置畧四



福州改元景炎始冊尊母淑妃為皇太后而前此真宗德妃  
 楊氏亦封為太后若依今之稱宋國母楊氏既不知為何帝  
 之母若依行宮所稱故宋太后楊氏又不知為何帝之太后  
 況二太后皆姓楊事屬混淆切照帝是乃度宗長子楊太后  
 所生即位三年崩廟號端宗年號景炎合稱曰故宋景炎太  
 后楊氏之神如此則以年號見帝以帝見楊氏太后為端宗  
 之母也 一全節廟正寢以祀景炎楊氏太后當太后為難  
 時同死宮嬪及臣下妻女皆不知姓名其知姓名者陸秀夫  
 夫人李佳母陳氏耳蓋宋亡時陸秀夫驅妻女先赴海死先  
 是有臣李佳從二王由閩入廣其母陳氏與訣曰若勿以母  
 故而懷二心也遂趨廣赴海死今擬從祀兩廡東廡揭一牌  
 題曰故宋烈婦陸夫人之神此舊已西廡揭一牌題曰故宋  
 死國事忠烈婦陸夫人之神又牌題故宋今增一牌題故  
 宋同死國難烈婦陳氏之神此一廡山為宋行朝祥興諸臣  
 婦女等神位如此乃盡也 一廡山為宋行朝祥興諸臣  
 此文相乞觀於此諸輔奉詔於此陸秀夫勸講大學於此今  
 擬創一亭於故區日故宋行朝遺址 林雲同有告圭峯  
 祠文重修厓山記張詡全節廟記不錄 據阮通志修

**大忠祠在厓山明成化十二年僉事陶魯勅建以祀宋信國**  
**公文天祥丞相陸秀夫太傅張世傑初名忠義祠**  
陳洙有忠義祠碑記  
 錄不奏請特賜今額加封諡與祭祀 陶魯請祀 嘉靖九年巡按

李美建行祠於圭峯山下十一年加增秋祭復祀厓山二十

一年趙善鳴呈請修復厓山祠增兩廡從祀死難諸臣改題

厓山刻石建哀歌亭 趙善鳴呈畧一大忠祠僉事陶魯所奏

名牌題曰同死王事於廣諸臣之位但按宋忠義死節之士  
 其知姓名者惟義士伍隆起故揭一牌題宋義士贈州判伍  
 隆起之神若學士劉鼎孫侍郎茅湘東趙樵樞密高桂太  
 卿杜猗指揮蘇劉義防禦劉師勇以及曾淵子陳仲微鍾震  
 桂諸死難之臣列傳載在宋史乃獨不設神位况遠方相從  
 勤王以死又為無主孤厲深為可憫議一標題官爵神位  
 配享三公庶慰英魂於海宇揭忠義於將來其不知名者依  
 舊但加故宋二字於同死王事於廣諸臣之位之上 謹按  
 趙善鳴議改張宏範刻石書宋少帝及其丞相陸秀夫死國  
 於此及哀歌亭刻信國諸詩及正氣歌應詳古蹟茲不載羅  
 倫大忠祠 記不錄

忠義壇在全節廟左明嘉靖二十二年知縣何廷仁建祀宋

死義將士 何廷仁議略竊照全節廟大忠祠近奉提學林轉

十一月二祠俱已落成但當時從征之士厄於厓門相隨幼  
 帝同赴滄波要非漫從而死者今當祭享三忠之日而死義



之士數萬未有專祀及之殊未盡激勸崇報之道夫當二帝  
蹈海當此之時江南郡縣半為元人所制隨帝征之士要多慕  
義之民已非官司遣戍之卒故其始追隨幼帝尚有五十萬  
之眾及後死亡散逸已過其半張陸二公收殘敗之餘權帝  
匡門僅止二十萬矣以二十萬殘敗之心相與全盛相距勢之  
不敵諸軍士豈不知之使少自便之心相與全盛相距勢之  
保身之計縱不謀然帝既崩之後無主可依使此諸軍之  
死其志亦甚可憫也然帝既崩之後無主可依使此諸軍之  
其秉彝之真倫沒湮晦不得自出於天下後世後之有司亦  
未敢有能量其情為之一白者故忠魂義魄浮游海島漂沒  
滄波二百餘年漫無所歸憤鬱又將肆為風霆奮為疾  
雨以爲諸軍之死義固當祭然仁每與主簿孫從善商度議  
處以爲趙樵高桂皆諸軍將帥置必處之以禮設若附祭兩廡  
亦不致與同享禮當準以厲祭事例築壇設祀庶諸軍忠烈精  
英不致終爲埋沒但崇報又與厲祭稍別夫厲祭之禮壇而  
不屋祭品錯列於地有司奉獻致祭城隍而不及諸魂今崇  
報忠烈又當準祭鄉賢之禮祀之其英魂散逸無歸必於三  
壇之上建之以祠其祭品仍用一豬一羊二帛其酒醴羹飯  
慰數萬忠烈之心而於厲祭有所分別也提學林雲同轉奉  
撫按蔡口批所議良是又奉巡按舒遷批所議雖眾不煩雖

壇不漬是爲世  
勸天即便施行

勇敢祠在西門外

按舊志皆作三廣公祠成化十五年陶魯

久正統間帥臣失守迄無安歲至天順間民窘甚寢起爲盜  
維時守合或暴或罷武夫制勝無術由是充斥所在騷然矣  
余自景泰甲戌來丞新會至是滿九載將去其民相率以保  
障乞留於上尋被命尹茲邑當是時旁邑屢破有唇亡齒寒  
之憂余乃進諸父兄告之曰賊氣吞吾城矣不備必至若諸  
父兄願留我必盡發若子弟從我擊賊不然城壘雖堅未足  
守也諸父兄許諾退即選子弟材者甲冑之堅者丁之壯  
者不日而集先是人胸惟賊鋒之爲畏至是始有固志  
邑西北當賊騎之衝相地爲寨寨各有長相險爲是堵置  
火設羅卒以伺賊賊將至一寨有急諸寨應凡此所以得  
其外也環郭以爲輔城溝其旁施鐵蒺藜夜戒嚴燎火燭天  
桴鼓如雷所以防吾內也子弟以技擊相高遇賊輒殊死戰  
屢破之三數年間危者以安怯者以勇鄰有被賊者恃此以  
爲應援是豈余之所能哉實由天子威德與諸父兄教子弟  
之力也余累遷今秩子弟以功顯者冠帶受祿有差其尤可  
念者奮不顧身冒險阻觸白刃棄其妻子而死者實眾成化  
辛卯余巡視至邑俯仰今昔問諸父兄存歿諸父兄咸願作  
祠以祀之爲請於都憲韓公買地城西造屋三十間正北爲  
堂旁列兩廡名曰勇敢祠祭需復一人爲祠籍專掌之嗚呼死  
割廢寺田若干頃爲祭需復一人爲祠籍專掌之嗚呼死者



有知其無憾乎因 宏治中知縣羅僑曰豈有陶公從者得祀

書其始未於此 而主將不血食乎乃改祀陶魯而以死義將士配食兩廡

丁公祠在白沙村明成化十二年建以祀知縣丁積陳獻章有記不

錄據張府志修

四賢祠在新城東門外明萬曆間建祀知縣袁奎陳基虞王

命璿曰三賢祠

國朝乾隆五年又增祀知縣何廷仁改曰四賢祠

白沙祠舊在北門街祀陳獻章嘉靖二年提學副使歐陽鐸

改遷於學宮左

王巡撫祠一在水南鄉一在江嘴村康熙年建祀王來任同上

戴舍人廟在天臺鄉側凡水旱疾疫禱無不驗同治五年重

修據新會志修

何將軍廟在沙堤橋關帝廟後座將軍名時宋亡與夫人候

氏先後殉節死村人立廟祀同治七年重修

吏部鄉賢祠在大雲山寺前街祀明吏部郎中鄧林

鄉賢譚公祠在瑤步冲祀明舉人譚律咸豐十一年知縣聶

爾康倡修

鄉賢李太守祠在東門外祀明福建邵武府知府李翔

鄉賢黎先生祠在都會鄉雲溪邊祀明明經黎貞咸豐九年

重建

鄉賢胡先生祠在城內作筆街祀歲貢生胡方道光十八年

知縣林星章就方故宅改建

林曾邑侯祠在城南河上舊祀知縣林會春道光十五年增

祀知縣曾熙丙二十三年復增祀知縣林星章言良銓有碑記不錄



陳侯祠在德滋里咸豐六年邑人為知縣陳應聘建何縮記  
四年五月紅巾之禍東莞首陷省垣繼急六月十日江門賊起脅從號三十萬城內外礮聲無晝夜彈丸雨下公登陣督厲士卒不稍休計閱六十日援至圍解事聞奉旨賞戴花翎免補同知本班以知府用邑人於其行也無男婦老幼皆泣謂公實生我因相與祠而奉公像云云

義勇祠在德滋里祀咸豐四年守城陣亡弁紳兵勇共三百八十四人

江門義勇祠在河北岸咸豐五年建祀禦賊戰歿兵勇三百餘人俱同上

香山縣社稷壇在西城外石岐山下明成化間知縣朱顯建國朝雍正十年奉文復建嘉慶五年知縣許敦元遷於龍王廟側據阮通志修

風雲雷雨山川壇在南城外東林山下明成化間知縣朱顯建

建

國朝康熙二十四年重修雍正十年奉文復建嘉慶二十一年知縣馬德滋修

先農壇在蓮峯之左雍正五年建

厲壇在北門外插笏山下按郝志府志俱作在城南今據縣志改

東嶽廟在豐山左宋紹興間建一在東門外

國朝乾隆乙卯重修

關帝廟舊在城西武山下明嘉靖二十八年建

國朝雍正五年增建三代殿遂以沙岡墟廟入祀典嘉慶十一年邑人鄭敏達修

城隍廟在縣治左明洪武元年縣丞冲敬建

國朝康熙四十九年知縣陳廷綸修嘉慶十三年知縣彭昭



麟重修

文昌廟在縣治東北豐山上舊學址明萬曆四十三年知縣但啟元教諭魯惟曾創建崇正十七年遷西門外

國朝順治四年知縣劉起鳳遷復舊址嘉慶四年知縣許乃來二十年知縣馬德滋重修

天后宮在西門外官船廠明正德中千戶盛紹德建後廢指揮田輓重建復圯

國朝康熙四十八年邱鈺重修乾隆二十四年五十年各重修

北帝廟在北門外毛定周記畧吾邑形勢自東而來蓮峰峙差卑舊建北帝廟以補形勢廟建自成化已酉年其後屢有修葺

龍王廟在西門外官河口側乾隆五十四年知縣彭翥建五

十七年知縣許敦元遷建

蕭烈女祠在大欖村祀明蕭思敬女俱同上

節孝祠在學宮右雍正元年建嘉慶二十二年知縣馬德滋捐修又一在山谿角祀劉二娘道光十二年建據香山志修

義勇祠在大欖村嘉慶十五年邑紳為死洋匪劫鄉之蕭世泰等七人專祀知縣彭昭麟撥官租供祀

禾穀夫人祠或云后稷之母姜嫄也今香山村落皆祀之

吳相公廟在懷德里吳相公宋人宋亡殉難邑人於葬所立廟

但公祠在翠微鄉西明萬曆乙卯建祀知縣但啟元今圯

王巡撫廟小欖暨沿海各鄉皆有之祀巡撫王來任

白公祠在黃梁都乾霧村祀署縣白章康熙四十年建



遺愛祠在大黃圃祀知縣彭科乾隆五十二年建嘉慶間并祀知縣彭昭麟

鄉義祠在大黃圃汎右嘉慶十五年建祀死海寇之難何定鼇等四十八人

義烈祠在鎮南鄉嘉慶二十三年建祀死海寇之難鄧煥章等六十六人俱同上

義勇祠在下伽臺下祀義勇阮根等一在西河橋亭左祀義勇張紹才等俱咸豐年間建據采訪冊

三水縣社稷壇在西城外據張府志修風雲雷雨山川壇在南城外俱明嘉靖四十年知縣陶守訓建據張府志三

先農壇在東城外據三水志修

厲壇在北城外同上文昌宮在城北門外同治八年邑紳捐建一在西南街據采訪冊

關帝廟在城南明萬曆丙午知縣陳原道遷建據阮通志修城隍廟在縣署後街明嘉靖五年設縣循制創建四十三年

知縣鄭孔道重修崇禎八年知縣沈起蛟重修

國朝康熙十一年知縣蘇嶠重建同上胥江北帝廟在華山麓宋嘉定間建元明歷有修葺

國朝康熙九年燬於火旋即修復據張府志修節孝祠在城中同上

倉帝廟在西南街據采訪冊修忠義祠在大朗坊楊梅墟祀咸豐四年陣亡殉難各男婦同上新甯縣社稷壇舊在西城外歸化坊雍正十年知縣王嵩改



建東門外據阮通志修

風雲雷雨山川壇舊在城南連珠山下雍正十年知縣王嵩奉文改建北郊三臺山下

先農壇在城東

厲壇在城西雍正十年知縣王嵩改建普陀巖後

關帝廟在舊千戶所西

城隍廟在義學之東明萬曆二十九年知縣熊文華初建廟重修城隍廟記不錄

真武廟在城南本知縣凌必顯遺愛祠改建以必顯配食於左

文昌祠舊在城隍廟之西雍正十年知縣王嵩遷建於明倫堂之東舊崇聖祠以舊文昌祠改建為義學

天后宮在城西門正街

節孝祠在城內草葫街上俱同上

海晏義勇祠一在橫岡墟西隅一在沙欄墟祀咸豐六年同

治二年四年禦客匪死難鄉勇廩貢生陳允升有碑不錄 據采訪冊修

王侯遺愛祠在城西歸化坊祀明知縣王尙賢據新甯志修

王巡撫祠一在煙崗都新村一在海晏都那馬村祀巡撫王

來任同上

清遠縣社稷壇在城西二里據阮通志修

風雲雷雨山川壇原在東林寺右知縣陳哲建於天后宮左

先農壇在瑞峯

厲壇在石門岡

文昌廟乾隆二年知縣陳哲拆舊縣署捐建俱同上



關帝廟在縣治右咸豐年間重修據清遠志采訪冊參修

城隍廟在縣治西南鳳皇臺即縣治故址明洪武十四年建

嘉靖二十二年知縣林繼賢重修據郝通志阮志參修

國朝乾隆二年知縣陳哲重修據郝通志阮志參修

天后宮原在東角樓外咸豐六年燬今遷上廓朱紫橋據清遠志

真武廟在城北雍正十三年修據清遠志修

節孝祠在學宮右

昭忠祠在東較場

義勇祠在城內衛西街大地塘一在城隍街

膚功祠在按分司右祀兵備姜公俱同上

二禺帝子祠在峽山寺後俗稱二聖祠據采訪冊修

新安縣社稷壇在城外西南隅明萬曆元年知縣吳大訓建

風雲雷雨山川壇在南門外崇鎮鋪

先農壇在城東雍正五年知縣王師旦建

厲壇在城北養濟院右俱同上

文昌廟在東門外文廟之左據新安志修

關帝廟在東門外乾隆五十一年知縣李大根建一在縣治

東北一在南門外俱明萬曆年間建據阮通志新安志參修

城隍廟在西門內明萬曆元年知縣吳大訓建

國朝康熙十年毀於颶風知縣李可成重修據阮通志修

天后廟在南山赤灣明永樂年間建吳國光重修赤灣天后廟記畧廣之有天后廟

建自征南將軍廖永忠赤灣地濱大海永樂八年欽差中貴張源使暹羅始立廟又行人某使外國還捐金買田供祀歲



久傾圯萬歷八年貳守周公以海防事至顧瞻祠宇低徊久之乃集父老為更新計逾四年始告成王應華記畧天后之神自宋以來累冊封號遺有司致祭其重幾與四海神等虎門為吾粵中路咽喉地凡朝紳由廣出使與夫占城瓜哇真臘三佛齊諸國所貢獻自廣入者悉曠過於此大洋之外風汎巨測往往多漂沒明永樂間中使張源始於赤灣立廟以下濟其後左行人增置祀田王兵科廣以後殿而廟貌歸然南北之濟者必禱於海岸得吉而後敢濟謂之辭沙神之顯赫真如度量衡石必不吾欺者順治十三年春守備張應科奉平南王令轉餉瓊海舟過赤灣俯謁祠下告有事焉顧廟之傾圯卑狹不足以致虔妥靈乃祝以往返無虞當新神廟已而果獲神祐乃出橐金倡修殿後殿為正殿以首殿為拜享之堂旁增廂房十二間大門內增鐘鼓樓各一環廟皆周以牆經始於二月落成於八月

旗纛廟在東莞所左今改祀迎恩街守備署

風神廟 李可成祭風神文維康熙十二年六月朔越十有三日辛亥知縣李可成謹以東帛庶羞之儀致奠於風伯之神而告之曰上天生物風雨露雷時維康阜有先必開五風應八風和登歲事薦嘉禾四序紀職萬寶告成誠和克奏樂只載賡雨以潤之風以散之惟和惟協豈憾畢箕昊天不弔颶忽降斯辛亥之次災祲頻胎狂颶歲發民乃怨咨嗚鳶卜是爰居避茲有雲若幟有暈如虹斷霓飲水赤霽翔空帝虞在麓家相居東颶颶烈烈靈霧淙淙日景潛輝怒潮奔

濤拔木揜禾傾垣毀宅旁攫紛拏霜戈電戟靡室靡家實逢其厄斯民何辜頻罹鞠凶維倉謹告引咎在躬我王勉勉彈琴歌風庶司百職惕息靖共海濱之邑再撤再遷道惟致省文用申虔彼多受社茲豈徒然惠風披拂薰風聯翩吾民解愠舜日堯天颶乃不作於萬斯年天吳海若實逼滄溟爰介於福爰効其靈既監既降尺帛薦馨雖休兮勿休省春兮省稠鯨波息兮啼鳩龍火見兮鳴鳩陳八蜡兮昭祀禱六事兮致詞時雍兮風動俗易兮風移孚德上徹神其鑑之

武安王廟在縣治東北隅

汪劉祠在南門外明萬歷元年知縣吳大訓建祀明副使汪鏞劉穩 陳文輔都憲汪公遺愛祠記畧成化三十三年占城

有惡彝佛郎機者假以修貢突據虎門設立營寨造火礮為攻具勢甚猖獗至掠取嬰孩屠以充食民甚苦之公赫然震怒命將出師親犯矢石因縱火焚其船遂大克捷民賴以全初公在任時廣之海隅民無遠近被德而荷功者皆議立生祠以報公聞不許既公陞任去民思益切乃謀立生祠以志不忘余不敏不足敷揚公之偉績姑記其行師救民之一節云 吳國光海道劉公祠記畧新安東官故壤也舊去縣治一百餘里川塗修險民之稅者役者訟者或苦之正德間伏



闕請析縣弗就隆慶壬申海道副使劉公以戎事來惻念民  
隱慨然有分邑之議達於兩院疏請於朝遂即東莞析邑焉  
維時吳侯宰邑事邑民相與謀祠劉公詣侯以請侯曰在禮  
有功德於民則祀之祠之宜也乃度地建祠且捐俸以助之

黃孝子祠在大鐘山下明萬厯元年建祀孝子黃讓據阮通

新安縣志祀晉孝子黃舒與此異

節孝祠在城內永盈街雍正二年建據新安志修

文文山祠在城內顯甯街嘉慶丙子知縣李維榆建據采訪冊修

四侯祠在雲林墟祀明知縣曾孔志陳穀彭允年李鉉據新安志

報德祠在縣治前聚秀街凡知縣有功德於民者供於此

王巡撫祠祀廣東巡撫王來任西鄉沙頭墟石湖墟皆有之

水僊廟在東門外歲旱禱雨輒應俱同上

花縣社稷壇在南城外據阮通志修

風雲雷雨山川壇在南城外

先農壇在城東嘉慶十七年重修

厲壇在城北

關帝廟在城東俱同上

城隍廟在縣治東一在橫潭墟相傳舊城在此其廟未遷據阮通志采訪冊參修

節孝祠在城中據阮通志修

蘭泮廟在丫髻西七里據采訪冊修

盤古神壇在獅嶺之北四里許屹立半山凡禱雨輒應洞內

烟火萬家悉奉為主香火甚盛嘉慶二十四年重修王恭有重修記

不錄據采訪冊修



番禺陳璞分纂

番禺史悠履初校

番禺金偉基再校

順德羅

槩三校

番禺史悠乾四校

廣州府志卷六十七終



